

四庫全書

集部

欽定四庫全書

集部

蘇詩補註卷三十四

詳校官庶吉士_臣李傳熊

檢討_臣何思鈞覆勘

總校官原任中允_臣王燕緒

校對官中書_臣王家賓

謄錄監生_臣胡念祖

欽定四庫全書

蘇詩補註卷三十四 翰林院編修查慎行撰

古今體詩六十七首

元祐辛未八月以後合壬申三月以前在潁州任作

西湖秋涸東池魚窘甚困會客呼網師遷之西池
為一笑之樂夜歸被酒不能寐戲作放魚一首

東池浮萍半黏塊裂碧跳青出魚背西池秋水尚涵空
舞濶搖深吹行帶吾僚有意為遷居老守縱饒那忍鱸
縱橫爭看銀刀出灑灑初驚玉花碎但愁數罟損鱗鬣

未信長堤隔濤瀨
瀦瀦發發須臾間
圍圍洋洋尋丈外
安知中無蛟龍種
或恐尚有風雲會
明年春水漲西湖
好去相忘渺淮海

西湖

名勝志潁州西二里有湖袤十里廣二里翳然林木為一邦之勝歐陽公自揚移汝有都將二

十四橋月換得西湖十頃秋之句秦少游亦有詩云十里荷花菰菰初我公所至有西湖

附陳履常次韻

窮秋積雨不破塊
霜落西湖露沙背
大魚泥蟠小魚樂
高丘覆杯水如帶
魚窮不作搖尾憐
公寧忍

口不忍鱠修鱗出水玉參差晚日搖光金破碎咫尺波濤有生死安知平陸無灘瀨此身寧供刀几用着意更須風雨外是間相忘不為小濠上之意誰得會枯魚雖泣悔可及莫待西江與東海

復次放魚韻荅趙承議陳教授

擾擾萬生同一塊搶榆不羨培風背青丘已吞雲夢芥

黃河復繚

一作繞

天門帶長譏韓子隘且陋一飽鯨魚何

足鱸東坡也是可憐人披挾泥沙收細碎逝將歸休

一作

修八節灘又欲往釣七里瀨正似此魚逃網中未與造物游數外且將新句調二子湖上秋高風月會為君更喚木腸兒脚扣兩舷歌小海

趙承議

名令時初字景貺東坡為改字德麟時以承議郎為潁州簽判按職官分紀寄祿文散官

有承

陳教授

宋史陳師道字履常一字無已彭城人

議郎

以薦起為教授

自徐移潁言者謂其進

非科第罷歸

久之為秘書正字魏衍後山集記云元

祐初蘇公為侍從

列薦乃官之俾教授于其鄉未幾

除太學博士

言者謂先生嘗謁告詣

南都見蘇公為私

遂移潁州教授

青丘

子虛賦秋田乎青丘

傍徨乎海外

服虔注青

天門帶

泰山記登太山凡五十餘盤經小天門大

丘國在海東三百里

天門又云太山有秦觀峰望見長
安有周觀峰望嵩山見黃河如帶
七里瀨元和郡縣志釣臺在

桐廬縣西三十里太平寨宇記嚴子陵釣臺下連七
里瀨亦謂之嚴陵瀨按施氏原注分七里瀨與嚴陵

瀨為二
脚扣兩舷韓愈詩撐舟昆明度雲錦脚敲兩船叫吳歌

附趙景貺次韻

赤手取魚如拾塊布網鳴舷攻腹背豈知激濁與
清流恐懼駢頭牽翠帶居士仁心到魚鳥會有微
生化餘鱸寧容網目漏吞舟誰肯烹鮮作苛碎我
亦江湖釣竿手誤逐輕車從下瀨生當得意落鷗

邊何用封侯墮鷺外不如魚今得所置身暗與
神明會徑須作記戒鯨鯢防有任公釣東海

慎按此詩誤入後山集觀詩中悞逐輕車從下瀨
及何用封侯墮鷺外二句蓋景貺以宗室子登第
屈身幕職故作此感慨語非陳履
常作也今與陳詩分別編附于後

附陳履常再次韻

詩成落筆驥歷塊不用安西題紙背小家厚斂四
壁立折東補西裳作帶堂下穀鯨牛何罪太山之
陽人作鱠同生異趣有如此鉗懸甕間終一碎流

水長者公今是兩花散亂投金瀨人言充庭須此
輩慈觀更須容度外賜牆及肩人所視公才槃槃
一都會有憐其窮與不朽我亦牽聯書玉海

九月十五日觀月聽琴西湖示坐客

白露下衆草碧空卷微雲孤光為誰來似為我與君水
天浮四座河漢落酒尊使我冰雪腸不受麴蘖醺尚恨
琴有絃出魚亂湖紋哀彈奏舊曲妙耳非昔聞良時失
俯仰此見寧朝昏懸知一生中道眼無由渾

附趙景貺次韻

清湖納明月遠覽無留雲人生亦何須有酒與桐
君自醉寧問客一尊復一尊平生今不飲意得同
酣醺清言冰玉質壞衲山水紋殫精有後悟畜耳
無前聞潛魚避流光飛鳥投重昏信有千丈清不
如一尺渾

附陳履常次韻

公詩端王道亭亭如紫雲落世不敢學謂是詩中

君獨有黃太史抱杓挹其尊韻出百家上誦之心
已醺黃鍾毀少合太裘擯不文世事如病耳蟻鬪
作牛聞苦懷太史惠養豹煙雨昏後世無高學舉
俗愛許渾

慎按以上二首並入後
山集中今分別附編

復次韻謝趙景貺陳履常見和兼簡歐陽叔弼兄
弟

能詩李長吉識字揚子雲端能望

一作居

此府坐嘯獲兩

君逝將江湖去浮我

一作此

五石尊眷焉復少留尚為世

所醺或勸莫作詩兒輩工織紋朱絃寄三歎未害俗耳

聞共尋兩歐陽伐薪照黃昏是家有甘井汲多終不渾

坐嘯獲兩君

謂景貺履常按先生到潁州謝表云賓主俱賢蓋宗資范孟博之舊治文獻相

續有晏殊歐陽修之遺風

兒輩織紋

本集輯題詩劄子云趙君錫賈易言臣于元豐八年題詩

于揚州僧寺有欣幸先帝上仙之意臣今省憶此詩是歲三月六日在南京聞先帝遺詔舉哀挂服了當往常州至五月初間因往揚州竹西寺喜聞百姓謳歌吾君之子出于至誠又是時淮浙間所在豐熟因作詩此生已覺都無事今歲仍逢大有年山寺歸來聞好語野花啼鳥亦欣然其時去先帝上仙已及兩

月決非山寺歸來始聞之語事理明白無人不知而
君錫等輒敢挾情公然誣罔伏乞付外施行稍正國
法

兩歐陽

按歐陽文忠四子發字伯和次奕字仲純皆早卒次裴字叔弼次鞏字季默時丁母

艱居
穎

附陳履常再次韻

公詩周魯後曳曳垂天雲府中顧長康風味如麴
君非公無此客請壽兩山尊叔季大儒後偏醒亦
同醺心與柏石堅章成綺繡紋多難獨不補少慙
今無聞時與古今異智有功名昏可使百尺底不

作數斗渾

送歐陽主簿赴官韋城四首

鳳雛驥子日相高
白髮蒼顏笑我曹
讀徧牙籤三萬軸

却

一作欲訛

來小邑試牛刀

歐陽主簿

名憲

韋城

隋書滑臺有韋城縣元和郡縣志東郡白馬縣東南有韋城隋開皇

六年分白馬南境置韋城縣初屬汴州後屬滑州太平寰宇記韋城在滑州東南六十里古豕韋之國

鳳雛驥子

杜甫入奏行實侍御驥之子鳳之雛

慎按樂城集薛夫人墓誌有孫六人憲元祐中授滑州韋城縣主簿宛丘集歐陽伯和墓誌男一人曰憲

據此則歐陽主簿乃醉翁之孫伯和之子也王氏注以為醉翁之子者謬今駁正

出處年來恨不齊一尊臨水記分攜江湖咫尺吾將老

汝潁東流子却西

白馬津頭春水來白魚猶喜似江淮使君已復冰堂酒

更望重新畫舫齋

白馬津

元和郡縣志白馬山在滑州白馬縣東北津與縣取山為名太平寰宇記黎陽津在黎陽

縣東一名白馬津史記酈食其說沛公守白馬之津即此水堂酒王氏注醉翁知滑州有冰堂酒

法按老學庵筆記云承平時滑州冰堂酒為天下第一方德務家有其法不言始于醉翁也

道旁垂白定沾巾正似當年綠髮新故國依然喬木在
典刑復見老成人

美哉一首送韋城主簿歐陽君

美哉水洋洋乎我懷先生送之子于城隅洋洋乎美哉
水我送之子至於新渡念彼嵩雒眷焉西顧之子于邁
至于白馬白馬舊邦其構維新邦人流涕畫舫之孫相
其口髯尚克似之

公自注先生
遺民之子

新渡

寺名見
本集

慎按此詩施氏原注不載結句之字止一韻
疑有缺文無善本可對因題編次以俟再考

泛潁

我性喜臨水得潁意甚奇到官十日來九日河之湄吏
民笑相語使君老而癡使君實不癡流水有令姿遶郡
十餘里不駛亦不遲上流直而清下流曲而漪畫船俯
明鏡笑問汝為誰忽然生鱗甲亂我須與眉散為百東
坡頃刻復在茲此豈水薄相與我相娛嬉聲色與臭味

顛倒眩小兒等是兒戲物水中少磷緇趙陳

一本作兩

歐陽同參天人師觀妙各有得共賦泛潁詩

潁水

水經注潁水東南入淮春秋楚子狩于潁尾蓋潁水之會淮也潁州志潁州後魏景

明中設取潁水為名潁水舊自黃河頂城縣界流入州屬潁上太和等縣古語有世亂潁水濁世治潁水

清之

句

按劉須溪云先生泛潁詩散為百東坡頃刻復在茲意本傳燈錄慎按傳燈錄良价禪師因過水觀影而悟有偈曰切忌從他覓迢迢與我疎我今獨自往處處得逢渠渠今正是我我今不是渠

附陳履常次韻

衝風不成寒脫木還自竒坐看白日晚起行清潁
渚三穴未為得一舟不作癡路暗鳥遺音江清魚
弄姿宇定怪物變意行覺舟遲公與兩公子妙語
含風漪但怪笑談劇莫知賓主誰得句不肯吐一
一見睫眉相從能幾何行樂當及茲生忍自作難
百憂間一嬉時尋赤眼老不探黃口兒解公頭上
巾一洗七年緇至潔而納汙此水真吾師須公曉
二子人自窮非詩

六觀堂老人草書

公自注六觀取金剛經夢幻等物也老人僧了性精于醫而

善草書下筆有遠韻而人莫知貴故作此詩

物生有象象乃滋夢幻無根成斯須方其夢時了非無
泡影一失俯仰殊清露未晞電已徂此滅滅盡乃真吾

云韻語陽秋
云作心

如死灰實不枯逢場作戲三昧俱化身為

醫忘其軀草書非學聊自娛落筆已喚周越奴蒼鼠奮

髯飲松腴剡藤玉板開雪膚遊龍天飛萬

別本作
外訛

人呼

莫作羞澁羊氏姝

六觀堂老人

咸淳臨安志千頃廣化院內有六觀堂
武林梵志廣化院在木子巷吳越王建

僧了性亦號垂慈老人精于醫善草書東坡為作詩
又按本集先生六觀堂贊云垂慈老人嘗作是觀自

一至六六
生千萬

周越

東軒筆錄本朝尚書郎周越以書名
于天聖景祐間然筆法軟媚無古氣

韻語陽秋東坡評張顛懷素草書云張顛醉素兩禿
翁追逐世好稱書工有如市倡抹青紅卑之甚矣至
評六觀老人草書則云心如死灰實不枯逢場作戲
三昧俱則知坡之所喜者貴于自然雕鐫而成者非
也所貴

次韻劉景文見寄

淮上東來雙鯉魚巧將詩信渡江湖細看落墨皆松瘦

想見掀髯正鶴孤烈士家風安用此書生習氣未能無
莫因老驥思千里醉後哀歌缺唾壺

烈士家風

東都事略劉平字士衡祥符人父漢凝官至崇議使平為人任俠善弓馬舉進士為

御史上書言事為丁謂所惡真宗知其才將用之丁謂曰平將家子知兵若使將西北可以制敵後改尚衣庫使知邠州元昊反延帥范雍召平至保安與石元孫合趨土門轉鬬三日被執見殺曾鞏隆平集劉平景德三年進士寶元初死事延州謚壯武賜平家信陵坊宅一區子慶孫宜孫昌孫貽孫孝孫季孫咸賜官蘇舜欽乞用劉石子弟狀云臣聞黃德和以退軍安奏劉平石元孫叛逆朝廷未能辨明即時以兵監圍其第及德和已伏辜二族未沾恩澤劉平子弟臣雖不識聞其頗知邊事用敵西寇必有成功東都

事略劉季孫傳蘇軾為兵部尚書奏言季孫工詩能文至于忠義勇烈有平之風

慎按景文劉平第六子王氏注以為次子者訛

附劉景文原作

此詩從宋文鑑采出
原題云寄蘇內翰

倦壓鰲頭請左魚笑尋潁尾為西湖二三賢守去
非遠六一清風今不孤四海共知霜鬢滿重陽能
插菊花無聚星堂上誰先到欲傍金尊倒玉壺

贈朱遜之

并引

元祐六年九月與朱遜之會議于潁或言洛人善接

花歲出新枝而菊品尤多遜之曰菊當以黃為正餘
可鄙也昔叔向聞駸蔑一言知其為人予于遜之亦
云

黃花候秋節遠自夏小正坤裳有正色鞠衣亦令名一
從人偽勝遂與天力爭易姓寓非族改顏隨所令新奇
既易售粹駁宜相傾疾惡逢伯厚識真似淵明君言我
所印世論誰敢評願君為霜風一掃紫與赭

困學記聞東坡詩黃花候秋節遠自夏小
正按夏小正九月榮鞠注止引月令非也

慎按此詩施氏原本編後卷餞飲湖上之後
今据題改編

次韻趙景貺督兩歐陽詩破除

一作陳

酒戒

商也哀未忘歲月忽已秋
祥琴雖未調餘悲不敢留
矧此乃韻語未入金石流
羲之生五子一作之總角出銀鉤

吾家有二許下筆兩不休
君言不能詩此語人信不
干鍾斯為堯百榼斯為丘
陋矣陶士衡當以大白浮
酒中那有失醉則不驚
鷗明當罰二子已洗兩玉舟

祥琴

兩歐陽丁薛夫人憂時已免喪故引祥琴事以解之

叔弼云履常不飲故不作詩勸履常飲

我本畏酒人臨觴未嘗訴平生坐詩窮得句忍不吐吐
酒茹好詩肝胃生滓汙用此較得喪天豈不足付吾儕
非二物歲月誰與度悄然得長愁為計已大誤二歐非
無詩恨子不飲故強為酌

新刻本作嚼訛

一酌將非作愁具成

言如皎日援筆當自賦他年五君咏山王一時數

履常不飲

任淵陳後山詩注時後山以持律不飲酒

附陳履常次韻

五士三不同煩公以詩訴強酒古所辭妙語神其
吐自念每累人舉扇毋我汙復使兩歐陽束手不
分付平生西方社努力須自度不憂龜九頭肯畏
語一誤頓悟而漸修從此辭世故公然萬金產寧
能一朝具兩生文章家夙記鳴蟬賦請公堅城壘
兵來後無數

臂痛謁告作三絕句示四君子

公退清閒如致仕酒餘歡適似還鄉不妨更有安心病
卧看紫簾一炷香

心有何求遣病安年來古井不生瀾祇愁戲瓦間童子
却作冷冷一水看

古井

孟郊詩妾心古井水波瀾誓不起白居易詩無波古井水有節秋竹竿

戲瓦

月光童子

事詳見
楞嚴經

小閣低窗卧宴溫了然非默亦非言維摩示病吾真病
誰識東坡不二門

附陳履常次韻

靜中有業官成集醉裏無何老是鄉
大室向來無一物却須天女與拈香

竭澤迴波不作難未應天地起風濤
是身非有從何病試下先生一着看

紙帳熏爐作小溫狸奴白牯對忘言
更無人問維摩詰始是東坡不二門

到賴未幾公帑已竭齋厨索然戲作

我昔在東武吏方謹新書齋厨不知春客至先愁予采
杞聊自誑食菊不敢餘歲月今幾何齒髮日向疎幸此
一郡老依然十年初夢飲本來空真飽竟亦虛尚有赤
脚婢能烹鱸尾魚心知皆夢耳慎勿歌歸歎

公帑

王明清揮麈後錄太祖廢藩鎮命士人典州于是置公使庫遇過客必館致供餽人無旅寓之

嘆下至吏卒批支口食以濟其乏而平時士大夫造朝不齎糧節用者猶有餘以還家近世或以州郡飭厨傳為非未解祖宗命意矣○按熙寧初行新法減州郡公使庫錢公在密州有杞菊賦注見前

景貺履常屢有詩指叔弼李默倡和已許諾矣復

以此句挑之

君家文律冠西京，旋築詩壇按酒兵。袖手莫輕真將種，

致師須得老門生。明朝鄭伯降，誰受昨夜條侯壁。已驚

從此醉翁天下樂，還應一舉百觴傾。

公自注文忠公贈蘇梅詩云我亦願

助勇鼓旗謀其旁快哉
天下樂一酌宜百觴

門生

撫言李義山師令狐文公呼小趙公為郎君
于文公稱門生按東坡為醉翁門下士故云

附陳履常次韻

後山集題云次韻
蘇公督兩歐陽詩

吟聲正可候蟲鳴，酒面猶須作老兵。豈有文章妨

要務孰知詩律自前生向來懷壁真成罪未必含
光不屢驚血指汗顏終縮手此懷端復向誰傾

贈月長老

天形倚一笠地水轉兩輪五帝之所運臺端棲一塵功
名半幅紙兒女浪苦辛子有折足鐺中有五合陳十年
此中過却是英特人延我地爐坐語軟意甚真白灰如
積雪中有紅麒麟一本作麒麟勿觸紅麒麟作灰維那瞋拱
手但默坐墻壁徒諄諄今宵恨客多汗子白氎巾後夜

當獨來不須主與賓蒲團坐紙帳自要觀我身

天形倚笠

虞曷穹天論天形如笠而冒地之表

維那

翻譯名義維是綱維華言也那是梵

語譯為知事亦云悅衆隋潤州刺史李海游命智琳為斷事維那爾後寺立三綱謂上座維那典座也

次韻答錢穆父穆父以僕得汝陰用杭越酬唱韻

作詩見寄

大耿疲勞已離羣小馮慈愛且當門

公自注軾本以舍弟親嫌請郡

玉

堂不着扶犁手霜鬢偏宜畫鹿幡豪傑雖無兩王繼

公自

注謂子直深父

風流猶有二歐存

公自注謂叔弼李默

清詩已入新歌舞

要使邦人識雅言

兩王

施氏原注王子直名向弟深父名回河南人徙居福之侯官歷三世父兵部堽頴之汝陰遂為

汝陰人皆第進士文學行義卓然一時與王介甫蘇子容為友二公集皆有哭子直詩介甫志深父墓仕為忠武軍節度推官知南頓縣歐陽文忠公守頴每從深父質疑問惑後薦充館職不及用而卒此段新刻刪去今補錄○又按宋史王向字子直其兄名回字深父王明清揮塵後錄王平仁宗朝侍御史三子回字深父同字子直向字容季俱列兩朝史儒學傳云云据此則子直名回不名向深父乃子直之兄亦非弟也三說不同並存俟考

韓退之孟郊墓銘云以昌其詩舉此問王定國當

昌其身耶抑昌其詩也來詩下語未契作此答之

昌身如飽腹飽盡還當

一作復

飢昌詩如膏面為人作容

姿不如昌其氣鬱鬱老不衰雖至老不衰却壞安所之

不如昌其志志一

當作壹

氣自隨養之塞天地孟軻不吾

欺人言魏勃勇股栗向小兒何如魯連子談笑却秦師

慎

一作謹

勿怨謗讒乃我得道資淤泥生蓮花糞壤出菌

芝賴此善知識使我枯生萑吾言豈須多冷煖子自知

冷煖自知

傳燈錄蒙山道明曰
如人飲水冷煖自知

送歐陽推官赴華州監酒

我觀文忠公四子皆超越仲也珠徑寸照夜光如月好
詩真脫兔下筆先落鶻知音如周郎議論亦英發文章

乃餘事學道探玄虛死為長白主名字書絳闕

公自注熙寧之

末仲純父見僕于京城之東曰吾夢道士持告身授吾曰上帝命汝為長白山主此何祥也明年仲純父歿

傷心清潁尾已伴白鷗沒喜見三少年俱有千里骨千
里不難到莫遣歷塊蹶臨分出苦語願子書之笏

歐陽推官

名恕按施氏原注文忠公之孫仲純父名爽之子仲純官光祿丞早卒又按藥城集

薛夫人墓志孫男六人恕

華州監

九域志陝西永興軍路華陰郡鎮潼

軍節度所轄監一熙寧四年置鑄鐵錢

四子

按歐陽文忠公

四子長名發字伯和進士出身官至權少府監丞張文潛為作墓志次奕字仲純次棐次辯注見本卷

賴尾

左傳楚子狩于州來次于賴尾注云賴水之尾在下蔡西

十月十四日以病在告獨酌

翠柏不知秋空庭失搖落幽人得嘉蔭露坐方獨酌月
華稍澄穆霧氣尤清薄小兒亦何知相語翁正樂銅爐
燒柏子石鼎煮山藥一杯賞月露萬象紛酬酢此生獨

何幸風纜欣初泊誓

一作迹

逃顏跼網行赴松喬約莫嫌

風有待漫欲戲寥廓冷然心境空彷彿來笙鶴

澄穆

陶潛斜川詩序正月五日天氣澄穆

附陳履常次韻

雲月酒下明風露衣上落是中有何好草草成獨
酌使君顧謂客老子興不薄飲以全吾真醉則忘
所樂未解飲中趣中之如狂藥起舞屢跳踉鴛坐
失醕酢終能厭多事超然趨澹泊功名無前期山

林有成約身將歲華晚意與天宇廓醉醒各有適
短長聽鳬鶴

獨酌試藥玉滑盞有懷諸君子明日望夜月庭佳
景不可失作詩招之

鎔鉛煮白石作玉真自欺琢削為酒杯規摹定州瓷荷
心雖淺狹鏡面良渺瀰持此壽佳客到手不容辭曹侯
天下平定國豈其師一飲至數石溫克頗似之風流越
王孫詩酒屢出奇喜我有此客玉杯不徒施請君詰歐

陳問疾來何遲呼兒掃月榭扶病良及時

曹侯

未詳

越王孫

指趙景貺本集趙德麟字說云余自禁林出守汝南始與越王之孫華原

公之子燕書君令時遊

附陳履常次韻

仙人棄餘糧玉色已可欺小試換骨方價重十水
瓷灌以長白虹渺若江海瀰浮之端不惡舉者亦
何辭但愧聞道晚早從雁門師律部無明文可復
時中之汝陽佳少年三斗亦出奇家有持杯手兩

好當一施風吹酒面灰月度杯心遲百年容有命
一笑當須時

歐陽季默以油烟墨二丸見餉各長寸許戲作小

詩

書窗拾輕煤拂

別本作佛

帳掃餘馥辛勤破千夜收此一寸

玉癡人畏老死腐朽同草木欲將東山松湮盡南山竹

墨堅人苦脆未用嘆不足且當注蟲魚莫草三千牘

墨丸

晁以道墨經凡丸劑不可不熟又病于熱急手為光劑緩手為鉞劑一丸即成不利于再葉夢

得云兩漢間稱墨多拾輕煤墨經凡墨膠為大有上
等煤而膠不如法墨亦
言九魏晉以後稱螺不佳如得膠法雖次煤能成善墨古用立煤高大餘
其竈寬腹小口不出突于竈面覆以五斗甕又蓋以
五甕每層塗泥密約甕中煤厚住火以雞羽掃之東山松墨經究沂登密之
間總謂之東山自
昔東山之松色澤肥膩
性質沈重品推上上

明日復以大魚為饋重二十斤且求詩故復戲之

漢廷九尺人誰似老方朔那將一寸金令足三冬學餉
魚欲自洗鱗尾生卓犖我是騎驄手聊堪充鹿角

慎按此詩上四句從前一首生來合觀
二章乃見作者之意所謂以文滑稽也

和趙景貺栽檜

汝陰多老檜處處屯蒼雲地連丹砂井物化青牛君時

有再生枝

公自注頰之靈壇觀有再生檜

還作左紐紋王孫有古意書

室延清芬應憐四孺子不墮凡木羣體備松柏姿氣含
芝朮薰初扶鶴立骨未出龍纏筋巢根白蟻亂網葉秋
蟲紛乃知蔽蒂初甚要封殖勤他年皮三寸狐鼠了不
聞

左紐紋

太平寰宇記譙縣太清宮有左紐檜范文正
太清宮九咏序左紐檜其一也石曼卿詩注

引太清記云老子手植
此檜根株枝幹皆左紐

附陳履常作

後山集題和
德麟植檜

種木待成材聊為十年事日中趨百里寧問萬牛
費植檜三尺強已有凌雲氣生世能幾何擬作千
歲計衆人笑拍手君子用其意蕭蕭孤竹君忘言
理相契名以金石交椿楊豈奴婢緬懷萬仞顛千
丈鬱蒼翠蟠根泉石底用意霜雪外寧須大厦材
坐待斤斧至散為風雨聲密作牛馬蔽

葉待制求先墳永慕亭詩

靈區有異產化國無潛珍承平百年間簪纓半齊民建
溪富奇偉葉氏初隱淪森然見

別本作
下訛

喬木其下維德

人佳哉鬱葱葱氣若鳳與麟聯翩出儒將豈惟十朱輪
新松無鹿觸舊柏有烏駟待公歸上冢泪葉乃昏春

葉待制

名康直字景溫擢進士知秦州自
直龍圖閣進待制注詳施氏原本

與趙陳同過歐陽叔弼新治小齋戲作

江湖渺故國風雨傾舊廬東來三十年愧此一束書尺

椽亦何有而我常客居羨君開此室容膝真有餘拊牀

琴動搖弄筆窗明虛後夜龍作雨天明雪填渠

公自注時方禱

雨龍祠作此句時星斗燦然四更風雨大至明日乃雪

夢回聞剝啄誰乎

一作呼趙

陳子添丁走沽酒通德起挽疏主孟當啗我玉鱗金尾

魚一醉忘其家此身自蘧蔭

小齋

名息齋見後山集

主孟

國語注云孟一作盍史記呂后本紀注引此句作主盍索隱曰

盍者且也言且啗我物

附陳履常次韻

後山集題和蘇公題歐陽叔弼息齋

行者悲故里居者愛吾廬生須着錐地何賴汗牛
書丈室八尺牀稱子閉門居百為會有還一足不
願餘紛紛幼老間失得了懸虛客在醉則眠聽我
莫問渠論勝已絕倒句妙方愁予竹几無留塵霜
畦有餘蔬相從十五年不為食有魚時須一俯仰
君可貸蘧蔭

聚星堂雪

并引

元祐六年十一月一日禱雨張龍公得小雪與客會

飲聚星堂忽憶歐陽文忠公作守時雪中約客賦詩
禁體物語于艱難中特出奇麗爾來四十餘年莫有
繼者僕以老門生繼公後雖不足追配先生而賓客
之美殆不減當時公之二子又適在郡故輒舉前令
各賦一篇

窗前暗響鳴枯葉龍公試手初行

一本作
行初

雪映空先集

疑有無作態斜飛正愁絕衆賓起舞風竹亂老守先醉
霜松折恨無翠袖點橫斜祇有微燈照明滅歸來尚喜

更鼓永

一作暗

晨起不待鈴索掣未嫌長夜作衣稜却怕

初陽生眼纈欲浮大白追餘賞幸有回飈驚落屑糝糊

檣頂獨多時歷亂瓦溝栽一瞥汝南先賢有故事醉翁

詩話誰續說當時號令君聽取白戰不許持寸鐵

聚星堂

名勝志歐陽文忠公守潁時于州治起聚星堂與候官王回深父臨江劉放貢父州人常

秩夷甫六安焦干之伯強為日夕燕游之所

眼纈

庾信擣衣詩花須碎眼纈李賀詩龜甲屏風醉

眼纈苔溪漁隱叢話東坡詩却怕初陽生眼纈不獨醉眼可言也按說文纈結也增韻大纈也

附歐陽文忠公原作

皇祐二年在潁州作玉月梨梅練絮白舞鶯鶴銀等字皆

請勿
用

新陽力微初破萼客陰用壯猶相薄朝寒稜稜風
莫犯暮雪綏綏止還作驅馳風雲初慘淡炫晃山
川漸開廓光芒可愛初日照潤澤終為和氣爍美
人高堂晨起驚幽士虛牕靜聞落酒壚成徑集餅
罌獵騎尋踪得狐貉龍蛇掃處斷復續猓虎團成
呀且攫共貪終歲飽藁麥豈恤空林饑鳥雀沙墀
朝賀迷象笏桑野行歌沒芒屨乃知一雪萬人喜

顧我不飲胡為樂坐看天地絕氛埃使我胸襟如
洗淪脫遺前言笑塵雜搜索萬象窺冥漠潁雖陋
邦文士衆巨筆人人把矛槊自非我為發其端凍
口何由開一噓

歐陽叔弼見訪誦陶淵明事嘆其絕識既去感慨
不已而賦此詩

淵明求縣令本緣食不足束帶向督郵小屈未為辱翻
然賦歸去豈不念窮獨重以五斗米折腰營口腹云何

元相國萬鍾不滿欲胡椒銖兩多安用八百斛以此殺其身何啻鵲抵玉往者不可悔吾其反自燭

按何遜春渚紀聞云遜嘗得東坡先生詩藁其和叔弼詩云淵明為小邑繼圖去為字改作求字又連塗小邑二字作縣令字凡二改乃成今句至胡椒銖兩多安用八百斛初云胡椒亦安用乃貯八百斛若如初語未免後人訾議又知雖大手筆不以一時筆快為定而憚于屢改也又按黃山谷跋云東坡在潁州因歐陽叔弼讀元載傳嘆淵明之智遂作此詩淵明隱約栗里柴桑之間或飯不足也顏延年送錢二十萬即日盡送酒家與蓄積不知紀極至藏胡椒八百斛者相去遠近豈直睢陽蘇合丸與蜨蜋糞丸比哉

喜劉景文至

天明小兒更

平

傳呼髯劉已到城南隅尺書真是髯手

迹起坐熨眼知有無今人不作古人事今世有此古丈

夫我聞其來喜欲舞病自能起不用扶江淮旱久塵土

惡朝來清雨濯鬚須相看握手兩

一作
乃訛

無事千里一笑

毋乃迂平生所樂在吳會老死欲葬杭與蘇過江西來

二百日冷落山水愁吳

一作
吾

姝新堤舊井各無恙參寥

六一豈念吾別後新詩巧摹寫袖中知有錢塘湖

禱雨張龍公既應劉景文有詩次韻

張公晚為龍抑自龍中來伊昔風雲會咄嗟潭洞開精
誠苟可貫賓主真相陪洞簫振羽舞白酒浮雲壘言從
關州妃遠去焦氏臺傾倒瓶中雨一洗麥上埃破旱不
論功乘雲却空回嗟龍與我輩用意豈遠哉使君今子
義英氣冠東萊笑說龍為友幽明莫相猜

張龍公

揮塵後錄東坡撰昭靈侯廟碑南陽張公諱
路斯頴上人也云云米元章作辨名志刻于

後云張名路當是句讀斯頴上人也唐人文贊多如
此明清比仕寧國因民訟度地四至有宣城令張路
斯祠堂基坡碑言侯嘗仕宣城
令則名路斯無疑元章訛矣

焦氏臺

集古錄自景
龍以來頴人

世祠之于焦氏臺乾寧中刺史王敬堯始大其廟熙
寧中司封郎中張徽奏乞爵號詔封昭靈侯妻石氏
柔應夫人本集昭靈廟碑略云廟有五穴往往見變
異出雲雨元祐六年秋旱郡守蘇軾迎致其骨于西
湖之行祠禱龍為友漢書禮樂志天馬
歌今安匹龍為友

劉景文家藏樂天身心問答三首戲書一絕其後

淵明形神自我樂天身心相物而今月下三人他日當

成幾佛

成幾佛

楞嚴經身眼兩覺應有二知即汝一身應成
兩佛舊注引謝靈運傳中語恐非作者本意

按周公謹曰淵明詩不以死生禍福動其心泰然委
順乃得神之自然釋氏所謂斷常見者也樂天詩則

以心為吾身之君而身乃心之役也坡翁從而賦六
言云云然二公之說雖不同皆祖列子力命篇之論
力謂命曰若之功奚似我命曰汝何功于物而欲比
朕力曰壽夭窮達貴賤貧富我力之所能也命遂歷
陳彭祖顏淵仲尼殷紂季札田恒夷齊季氏若是汝
力之所能奈何壽彼而夭此窮聖而達逆賤賢而貴
愚貧善而富惡耶力曰此則若之所制耶命曰既謂
之命奈何有制之者朕直而推之曲而任之自壽自
夭自窮自達自貴自賤自貧自富朕豈能識之
哉此即淵明神釋所云大鈞無私力之論也

西湖戲作

一士千金未易償我從陳趙兩歐陽舉鞭拍手笑山簡
祇有并州一葛強

附陳履常次韻

後山集題云次韻
蘇公竹間亭絕句

竹裏高亭燈燭光
今年復得杜襄陽
脩看老蓋千
年後更想霜林百尺強

送歐陽季默赴闕

先生豈止一懷祖
郎君不減王文度
膝上幾日今白鬚
令我眼中見此父
汝南相從三晦朔
君去苦早我來暮
霜風淒緊正脫木
潁水清淺可立鷺
莫辭白酒瀉香泉
已覺扁舟掠新渡
坐看士衡執別手
更遣夢得出奇句

郎君可是堯庫人乃使駉驥隨蹇步置之行矣無足道
賢愚豈在遇不遇

先生

謂醉翁

士衡

謂季默之兄叔弼

夢得

謂劉景文

堯庫

禮記所舉于晉國堯

庫之士七十有餘家施氏注改竄經文今
駁正時季默以宣德郎監澶州酒稅故云

用前韻作雪詩留景文

萬松嶺上黃千葉載酒年年踏松雪劉郎去後誰復來
花下有人心斷絕東齋夜坐搜雪句兩手龜拆霜須折
無情豈亦畏嘲弄穿簾入戶吹燈滅紛紛兒女爭相似

碧海長鯨君未掣朝來雲漢接天流顧我小詩如點纈
歐陽趙陳在戶外急掃庭中鋪木屑交游雖似雪柏堅
聚散行作風花瞥晴光融作一尺泥歸有何事真無說
泥乾路穩放君去莫倚馬蹄如踣鐵

按長公外紀元祐五年東坡守錢塘景文為東南將
領佐公開西湖日由萬松嶺以至新堤故在潁州和
詩云

和劉景文見贈

元龍本志陋曹吳豪氣崢嶸老不除失路今為噲等伍

作詩猶似建安初西來為我風鰲面獨卧無人雪縞廬
留子非為十日飲要令安世誦亡書

和劉景文雪

占雨又得雪龜寧欺我哉似知我輩喜故及醉中來童
子愁冰硯佳人苦膠去聲杯那堪李常侍入蔡夜銜枚

次前韻送劉景文

白雲在天不可呼明月豈肯留庭隅怪君西行八百里
清坐十日一事無路人不識呼尚書但見凜凜雄千夫

公自注君一馬兩僕率然相訪
逆旅多呼尚書意謂君都頭也
豈知入骨愛詩酒醉倒

正欲蛾眉扶一篇向人寫肝肺
四海知我霜鬢須公自注君

前有詩見寄云四海共知
霜鬢滿重陽能挿菊花無
歐陽趙陳皆我有豈謂夫子

駕復迂爾來又見三黜柳共此
煖熱飧一作餐 蘊蘇酒肴

酸薄紅粉暗祇有潁水清而姝
一朝寂莫風雨散對影

誰念月與吾公自注郡中日與歐陽叔弼趙景貺陳履常相從而景文復至不數日柳戒之亦見

過賓客之盛頃所未有然又
數日叔弼景文戒之皆去矣
何時歸帆泝江水春酒一

變甘棠湖公自注景文近卜居九江近甘棠湖

甘棠湖

九江志甘棠湖唐長慶二年刺史李渤徑湖心為堤長七百步以利行旅立斗門以蓄水

勢人以比甘棠李翱為作銘太白詩此江若變作春酒壘麴便禁糟丘臺

慎按公自注中柳戒之周益公詩話作成之筆畫相似未詳孰是

以屏山贈歐陽叔弼

漫郎天骨清生與世俗異學道新有得為貧聊復仕每
于紅塵中嘗起青霞志屏山輒贈子莫遣汙簪珥寓目
紫翠間安眠本非睡夢中化為鶴飛入長松寺

漫郎

唐書元結傳人以為浪者亦漫為官乎呼為漫郎

新渡寺席上次趙景貺陳履常韻送歐陽叔弼比
來諸君唱和叔弼但袖手旁觀而已臨別忽出一

篇頗有淵明風致

別本作
製訛

坐皆驚嘆

神屠不目全妙額惟粧半更刀乃族庖倚市必醜悍平
生魏公籌忽斲郢人墁詩書亦何用適道須此館多言
雖數窮微中或排難子詩如清風琴琴發將旦胡為久
閑匿綺語真自患許時笑我癡隔屋相詠嘆竟識彥道
不絕叫呼百萬清朝固多士入門子皆冠莫言清潁水

從此隔河漢異時我獨來得魚楊柳貫持歸不忍食尺
素解淒斷中有清圓句銅丸飛柘彈春愁結凌漸正待
一笑泮百篇儻寄我呻吟鄭人緩

按陳後山集中失去
此題原作無從采錄

次韻趙景貺春思且懷吳越山水

歲華來無窮老眼久矣靜春風如繫馬未動意先騁西
湖忽破碎鳥落魚動鏡縈城理枯瀆放閘起膠艇願君
營此樂官事何時竟

公自注清河西湖
三閘督君成之

思吳信偶然出

處付前定飄然不繫舟乘此無盡興醉翁行樂處草木
皆可敬明朝游北渚急掃黃葉徑白酒真到齊紅裙已
放鄭

公自注酒尚有香泉一壺
為樂全先生服不作樂也

附陳履常次韻

吳山那可說已覺心耳靜忍事如忍欲可過不可
騁人生如此耳黃白滿朝鏡寧懷升斗祿不理東
南艇君從湖上歸頗說寒事竟沙草柔動色溪喧
魚不定煩君金玉句無作江湖興君詩如靜女妙

絕人所敬不受風雨秋下有桃李徑試寫孤竹君
名成三絕鄭

次韻陳履常張公龍潭

明經

一本作
經明

宣城宰家此百尺瀾鄭公

一作
翁

不量力敢

以非意干玄黃雜兩戰絳青表雙蟠烈氣斃強敵仁心

惻饑寒精誠禱必赴苟簡求亦難蕭條麥麴枯浩蕩日

月寬念子無吏責十日勤

一作
勒

征鞍春蔬得雨雪少助

先生槃龍不憚往來而我獨宴安閉閤默自責神交清

夜闌

龍潭

潁州志張路斯蛻骨處名龍池在潁上縣治西南四十里淮潤鄉本集昭靈廟碑云廟有五穴

往往見變異出雲氣或投器穴中則見于池近歲有得蛻骨于池金聲玉質輕重不常

慎按施氏原注先生嘗自書此詩後題云元祐六年十一月某日蘇軾書墨蹟今藏吳興向氏此段新刻

本刪去今依原本補錄

附陳履常原作

清淵下無際落日迴風瀾凜然毛髮直敢以笑語

干陂陀百尺臺葱翠萬木蟠驚飈振積葉清霜作

朝寒水旱或有差精禱神其難魚龍同一波信有
水府寬向來三日雨賴子一據鞍何以報嘉惠寒
瓜薦金盤萬口待一飽歸卧神亦安猶須雪三尺
盛意莫得闌

小飲西湖懷歐陽叔弼兄弟贈趙德麟陳履常

一本

竹間亭小酌懷叔弼

李默兼呈景旣履常

歲暮自急景我閒方緩觴歡飲

一作餘

西湖晚步轉北渚

長地坐略少長意行無澗岡久知薺麥青稍喜榆柳黃

益益春欲動
漱漱夜未央
水天鷗鷺靜
月露一作霧松檜

香撫景方晚
晚一作婉婉懷人重
淒涼豈無一老兵
坐念兩

歐陽我意正
麋鹿君材亦
珪璋此會不可再
此歡不可

忘

緩觴

杜甫詩急觴為緩憂心搏

北渚

宋名臣言行錄晏元獻守潁州築室北渚以臨西溪名清

連閣

慎按施氏原注潼川黃揆以公真迹刻于娶倅聽事
集本歡飲西湖晚作醉飲西湖晚此會不可再作此
會恐難久皆以真迹為此段
新刻刪去今補錄以存其舊

附陳履常次韻

至音有遺韻小飲不盡觴坐待竹間月奈此雲影
長起行林下路散策踰平岡破眼一枝春着意干
葉黃暄寒會有分蜂蝶來無央鳥語帶餘寒竹風
回妙香緬想兩公子

以下後山集
脫十三字

朝陽斯人班馬

後如圭復如璋相逢了無得佳處每難忘

蠟梅一首贈趙景貺

天工

一作公

點酥作梅花此有蠟梅禪老家蜜蜂采花作

黃蠟取蠟為花亦其物天工變化誰得知我亦兒戲作
小詩君不見萬松嶺上黃千葉玉蕊檀心兩奇絕醉中
不覺度千山夜聞梅香失醉眠歸來却夢尋花去夢裏
花仙覓奇句此間風物屬詩人我老不飲當付君君行
適吳我適越笑指西湖作衣鉢

蠟梅

方回瀛奎律髓注云先是未有蠟梅之號元祐中蘇黃在朝始定名山谷有蠟梅詩自書詩後

云京洛間有一種花香氣似梅亦五出類女工撰蠟所成京洛人因謂蠟梅木身與葉乃類蒟藿本草黃梅花有三種以檀香梅為第一花密檀心冷齋夜話而香濃色深黃宋時皆稱黃梅花

白酷似蜜脾檀心為上磬口次
之以子種出不經接者又次之

附陳履常次韻

化人乃作

後山集
脫二字

花何年落子空王家羽衣霓裳

浣香蠟從此人間識尤物青瑣諸郎却未知天公

下取仙翁詩烏丸雞距寫玉葉却怪寒花未清絕

北風驅雪度關山把燭看花夜不眠明朝詩成公

亦去長使詩仙誦佳句湖山洵美更負人已覺西

湖屬此君坐想明年吳興越行酒賦詩聽擊鉢

送王竦朝散赴闕

我家衡山公

公自注伯父為衡山日與君相知有送行詩

清而畏人知臧否

不出口默識如著龜擢子拱把中云有驥騄姿胡為不

載尚作窮苦詞丈

一作文非

人不妄語未效此何疑竭來清

潁上泪濕中郎詩怪我一年長而作十年衰同時幾人

在豈敢怨白髭願君

一作言

指松柏永與霜雪期

朝散

職官分紀寄祿文散官有朝散大夫朝散郎梁溪漫志六曹郎中中行為朝散大夫負外郎中

行及起居舍人為朝散郎

衡山公

本集廷評行狀公諱序生三子長曰澹次曰渙次曰洵澹不仕

早卒渙以進士得官藥城集伯父墓表公
名渙舉進士從祥符縣移知衡州未陽

次韻致政張朝奉仍招晚飲

一本作食

掃白非黃精輕身豈胡麻怪君仁而壽未覺生有涯曾

經丹化米親授棗如瓜雲蒸作霧楷火滅嘆雨巴自此

養鉛鼎無窮走河車至今許玉斧猶事萼綠華

公自注君曾見

永州何仙姑得藥餌之人疑其以此壽也故有丹化米萼綠華之句皆女仙事

我本三生人疇

昔一念差前生

一作身

或草聖習氣餘驚蛇儒臞謝赤松

佛縛慚丹霞時時一篇出擾擾四座譁清詩得可驚信

美辭多夸回車入官府治具隨貧家萍蘆與豆粥亦可
成咄嗟

閻立本職貢圖

貞觀之德來

一作表

萬邦浩如滄海吞河江音容愴

一作愴

獬服奇彪橫絕嶺海逾濤瀧珍禽瑰產爭牽扛名王解
辮却蓋幢粉本遺墨開明窗我喟而作心未降魏徵封

倫恨不雙

閻立本

唐朝名畫錄閻立本太宗朝位居宰相與兄
立德齊名一日太宗幸玄武湖見鸛鵲召立

蘇詩補註

本圖之左右誤云宣畫師立本大耻之遂絕筆戒子弟勿令學畫

職貢圖

洪景廬云汲冢周書

七十篇所載事物為過實王會篇皆大會諸侯及四夷事所紀四夷國名頗古與獸畜亦奇崛唐太宗時遠方諸國來朝貢者甚衆服裝詭異顏師古請圖以示後韻語陽秋云世傳職貢圖立本所畫東坡作詩亦云云按朱景元畫錄謂職貢圖乃其兄立德所作立本所畫諸國王粉本爾又按施氏原注引譚賓錄亦云命尚書閻立德畫為職貢圖新刻本改作立本今為考正

次韻王滁州見寄

斯人何似似春雨歌舞農夫怨行路君看永叔與元之
坎軻一生遭口語兩翁當年鬢未絲玉堂揮翰手如飛

教得滁人解吟咏至今里巷嘲輕肥君家聯翩盡卿相
獨來坐嘯溪山上笑捐浮利一雞肋多取清名幾熊掌
丈夫自重貴難售兩翁今與青山久後來太守更風流
要伴前人作詩瘦我倦承明苦求出到處遺蹤尋六一
憑君試與問琅邪許我來游莫難色

王滁州

名詔字景獻本集跋醉翁亭記後云醉翁亭記初刻字褊淺恐不能遠滁人欲大之元祐

六年軾為潁州因滁守王君詔之請遂不能辭云云
困學紀聞吳集涂塘晉兵出涂中涂音除即六合瓦
梁堰水曰滁河南唐于滁水上立清流關元和郡縣
志滁州即涂中太平寰宇記淮南道滁州因水為名

滁河在清流縣東三里源自廬州來東南流至六合縣入江

兩翁

按宋史慶厯中歐陽修落龍圖

閣以右正言出知滁州王禹偁字元之鉅野人第進士以左司諫知制誥後為翰林學士孝章皇后崩禹

偁言后嘗母儀天下當用舊典坐訕謗落職知滁州後移守黃州卒年四十六

解吟咏

劉禹錫詩

化得邦人解吟咏如今縣令亦風流**聯翩卿相**施氏原注景猷祖化基伯舉正再世參知政事

父舉元天章閣待制故有聯翩盡卿相之句舊注在題下新刻刪去今補錄**琅邪**元和郡縣志晉

平吳琅邪王佑出涂中孫皓送璽至此因以名之山下有琅邪溪太平寰宇記琅邪山在清流縣西南十

里二

趙景貺以詩求東齋榜銘昨日聞都下寄酒來戲

和其韻分一壺作潤筆也

王孫天麒麟眸子與而澈囊空學逾富屋陋人更傑我
老書益放筆落座爭掣欲求東齋銘要飲西湖雪長餅
分未到小硯乾欲裂不似淳于髡一石要燭滅

洞庭春色

并引

安定郡王以黃甘釀酒謂之洞庭春色色香味三絕
以餉其猶子德麟德麟以飲余為作此詩醉後信筆
頗有盜拖風氣

二年洞庭秋香霧長嘆手今年洞庭春玉色疑非酒賢

王文字飲醉筆蛟

一作龍

蛇走既醉念君醒遠餉為我書

餅開香浮座蓋凸光照牖方傾安仁醺莫遣公遠嗅

自公

注明皇食柑凡千餘枚皆闕一瓣問進柑使者云中途嘗有道士嗅之蓋羅公遠也

要當立名字

未用問升斗應呼釣詩鉤亦號掃愁帚君知蒲萄惡正是嫫母黥須君灑海杯澆我談天口

安定郡王

岳珂媿鄭錄神宗嘗念開創之烈于藝祖燕秦二王之後詔推一人裂土王之從祀

郊廟韓琦以為疑天下心不可乃用近屬封郡王之制以應詔以宗室世準為安定郡王又按施氏原注

安定郡王名世準字君平祇畏端恪內恕外嚴自燕
王以來子孫數百人君平為之長無敢少越繩檢一
時翕然稱之間與學官講繹經書時以保靜軍留後
為安定郡王元祐八年薨詩中所云賢王指世準也

附陳履常次韻

洞庭木奴秋寸絲不挂手來輪步兵厨釀作青田
酒王家玉東西未覺歲華走方從羅浮山已作南
陽壽還將甕頭春慰子雪入牖我方縛禪律一舉
煩屢嗅東坡酒中仙醉墨燦星斗詩成以示我千
金須敝帚何曾尊俎間着客面黥黥定須笑美人

蘸甲不濡口

送路都曹

并引

車崖公在蜀有錄曹參軍老病廢事公責之曰胡不
歸明日參軍求去且以詩留別其略曰秋光都似宦
情薄山色不如歸意濃公驚謝之曰吾過矣同僚有
詩人而我不知因留而慰薦之予幼時聞父老言恨
不問其姓名今都曹路公以小疾求致仕予誦此詩
留之不可乃采前人意作詩送之并邀趙德麟陳履

常同賦一篇

積雪困桃李春心誰為容
淮光釀山色先作歸意濃
我亦倦游者君恩繫疎慵
欲留耿介士伴我衰遲蹤
吏課升斗積崎嶇等鉛錒
那將露電身坐待收千鍾
結髮空百戰市人看先封

別本作
鋒訛

誰能搔白首抱關望夕烽

子意諒已成我言寧復從
恨無乖崖老一洗芥蒂胸
我田

荆溪上伏臘亦麤供懷哉
江南路會作林下逢

路都曹

名紇丹陽人見陳後山集又宋史職官
志軍州諸曹官錄事參軍居首稱都曹

附陳履常作

身退不待年意足不願餘寧聞有餘論但問我何
如才名四十載盛氣蓋諸儒獨無出水力竟與黿
鼉俱晚為府中掾直前不趨趨何曾愧俯仰頗亦
困囁嚅有粟尚可餬有酒尚可娛一朝脫章綬用
意不躊躇富貴亦何有惜君寧挽裾人生一世間
僅得還其軀謝公江海人此計竟亦踈千金一大
錢二子雙明珠妙語發幽光東坡為欵齋不知兩

疏去能亦有此無聊為三徑資從此並門居

次韻陳履常雪中

一本無雪中二字

可憐擾擾雪中人飢飽終同寓一塵老檜作花真強項
凍鷺儲肉巧謀身忍寒吟咏君堪笑得暖謹呼我未貧
坐聽屐聲知有路擁裘來看玉梅春

按趙德麟侯鯖錄云元祐六年冬汝陰久雪人飢一日天未明東坡先生簡召議事曰某一夕不寐念頗人之飢欲出百餘千造炊餅救之老妻謂某曰子昨過陳見傅欽之言蔡判在陳賑濟有功不問其賑濟之法某遂相招令時面議曰已備之矣今細民之困不過食與火耳義倉之積穀數千石便可支散以救

下民作院有炭數萬稱酒務有柴數十萬稱依元價賣之可濟中民先生曰吾事濟矣遂草放積欠賑濟奏陳履常有詩先生次韻有可憐擾擾雪中人之句為是故也

附陳履常原作

後山集題云連日大雪以疾作不出聞蘇公與德麟同登女郎臺

掠地衝風敵萬人蔽天密雪幾微塵漫山塞壑疑無地投隙穿帷巧致身暎積讀書今已老閉門高卧不緣貧遙知更上湖邊寺一笑潛回萬室春

注自

是日賜

柴米

附趙德麟次韻

此詩從侯鯖錄采出

坎壈中年坐愛人老來貂鼎視埃塵鐵霜帶面惟
憂國機穽當前不為身發廩已康諸縣命蠲逋一
洗幾年貧歸來又捧寬民詔不愧毫端爾許春

慎按趙德麟在潁州與先生唱酬之什不減履常
惜多不傳舊從侯鯖錄得此詩錄置篋笥後檢施
氏原本陳趙二篇並載注
中多被新刻刪去今補錄

二解于君以詩文見寄作詩為謝

我懷元祐初圭璋滿清班維時南隆老奉使獨未還迂
叟向我言青齊歲方艱斯人乃德星遣出虛危間

公自注溫

公謂余曰子駿福星也
京東人困甚且令往彼

名用既晚矣天命良復慳一朝

失老驥寂寞空帝閑至今清夜夢枕衾

一作

有餘潛

一作

清

喜聞二三子結髮師閔顏高論邈河漢清詩鳴珮環

遙知三日雪積玉埋松山誰念此幽桂坐蒙榛與菅故
人在潁尾投詩清冷灣

二鮮于君

淮海集鮮于子駿行狀男五人一早卒頡偃師縣尉羣鳳州司法參軍緋承務郎一

未仕皆有學行而頡尤自立士大夫稱之云云二君未詳孰是

南隆

方輿勝覽唐時魯滕二王皆鎮

閬州以衙宇卑陋遂修飾宏大之擬于宮苑謂之隆苑

奉使

東都事略鮮于侁傳神宗朝侁為利

州路轉運使又為京東轉運使所代吳居厚以拮飲
虐下洗繼之務為寬大司馬光云子駿一路福星云

云
虛危間

漢書地理志齊地虛危之分野東有淄川
東萊琅邪高密膠東南有泰山城陽北有

千乘清河西有濟南平原皆齊分也
清類天文分野之書女虛危齊分野

名用

鮮于子駿
行狀二聖

臨御召還為太常少卿東都事略本傳云元祐中召
為太常少卿拜左諫議大夫除集賢修撰出知陳州

卒年六
十九

崧山

行狀子駿塋頽昌府陽翟縣按嵩
山在陽翟縣界其諸子必家于此

次韻趙德麟雪中惜梅且餉柑酒三首

千花未分出梅餘遣雪摧殘計已疎卧聞點滴如秋雨

知是東風為掃除

閨苑千葩映玉宸人間只有此花新飛靈要欲

一本作欲要

先桃李散作千林火迫春

蹀躞嬌黃不受鞿東風暗與色香歸偶逢白墮爭春手

一作酒

遣入王孫玉笋飛

和陳傳道雪中觀燈

新年樂事嘆何曾閉閣燒香一病僧未忍便傾澆別酒
且來同看照愁燈鰭魚躍處新亭近湖雪消時畫舫升
祇恐尊前無此客清詩還有士龍能

陳傳道

施氏原注名師仲履常之兄家居彭城履常在穎傳道來訪

士龍

指履常也

閱世堂

一作亭

詩贈任仲微

任公鎮西南嘗贈繞朝策當時若盡用善陣無赫赫淒

涼十年後邪正久已白却留封德彝天意眇難測象賢

真驥種號訴甘百謫豈云報私仇

一本作仇讐

禍福指絡脉

言才食舊德但恐里門窄傷心千騎歸贈印黃壤隔惟

有亭

一作庭

前檜閱世不改色千年與井在記此王粲宅

任仲微

淮海集任師中墓表子二人

却留封德彝

按墓

表師中在瀘州為納溪砦互市毆殺夷人事公意主
招撫而轉運判官意與公異專為攻討之計公爭之
勿能得嘆曰邊患自此始矣其後乞弟果反如公所
料云云愚按師中久已下世而轉運判官此時想尚
無恙故詩用封德彝事反言以譏
之墓表不載運判姓名俟再攷
象賢漢書王嘉傳
注象賢者象
其先祖父
之賢者

附子由作

樂城集題云蔡
州任氏閱世堂

朱君長桐鄉死食桐鄉社吏民安君德君亦愛其
下遺言於斯葬存歿勿相捨自知得民深千載誰
似者任君治新息寬惠洽鰥寡強梁順教詔桴鼓

不鳴野三年去復還園木裁拱把居人敬閭巷禽
鳥依屋瓦蒼然百尺檜直幹任大廈相要勿翦伐
今尹昔所舍

按子由集中又有閱世亭前古檜詩云人言此樹
三百年未知昔是何人植君家大夫老不過一生
使氣未嘗屈沒身不復歸故里遺愛自知懷舊邑
此翁此檜兩相似相與閱世何終極云云詩長不
具錄因兩公詩尾俱及檜
事聊摘數語以資援証

新渡寺送任仲微

春陰欲落雪野氣方升雲我游清潁尾想見翠被君古

來聚散地與子復言分倦游安稅駕瘦田失歸耘獨宿
古寺中荒雞亂鳴羣送子以曉角幽幽醒時聞

送運判朱朝奉入蜀

一本送朱
世昌使蜀

靄靄青城雲娟娟峨眉月隨我西北來照我光不滅我
在塵土中白雲呼我歸我游江湖上明月濕我衣岷峨
天一方雲月在我側謂是山中人相望了不隔夢尋西
南路默數長短亭似聞嘉陵江跳波吹枕一作錦屏送君
無一物清江飲君馬路穿慈竹林父老拜馬下不用驚

走藏使者我友生聽訟如家人細說為汝評若逢山中
友問我歸何日為話腰腳輕猶堪踏泉石

朱朝奉

名世昌字康叔注詳前

慈竹林

雲笈七籤眉州彭山縣有本竹觀在彭山治北

相傳以為竹林黃帝所手植者詩中所云路穿慈竹林當指其地施注舊引荀譜云云似無干涉
慎按以上五古別本分作五言絕句
七首今從施氏注原本合成一首

病中夜讀朱博士詩

病眼亂燈火細書數塵沙君詩如秋露淨我空中花古
語多妙寄可識不可誇巧笑在頰頰哀音餘摻搗曾坑

一掬春紫餅供千家懸知貴公子醉眼無真茶崎嶇爛
石上得此一寸芽緘封勿浪出湯老客未嘉

朱博士

名失考疑即朱遜之見本卷

曾坑

蔡忠惠集引東溪試茶錄云北苑鳳凰山連屬

諸焙所產者味嘉慶歷中歲貢有曾坑上品一斤叢出于此氣味殊薄

湯老

茶經其沸如魚目微

有聲為一沸緣邊如湧泉連珠為二沸騰波鼓浪為三沸已上水老不可食孟蜀人毛文錫茶譜騰波鼓浪水氣全消謂之老湯太平清話蔡君謨湯取嫩不取老蓋謂團餅茶發耳

趙德麟餞飲湖上舟中對月

老守惜春意主人留客情官餘閒日月湖上好清明新

火發茶乳溫風散粥錫酒闌紅杏閣日落大堤平清夜
除燈坐孤舟擘岸撐逮君幘未墮對此月猶橫

按周公益題跋云東坡以元祐六年秋到潁州明年
春赴維揚此詩題曰西湖月夜泛舟公在潁僅半年
集中自放魚長韻而下凡六十餘詩歷考先生所至
歲月惟潁為少而留詩獨多以年譜考之先生自潁
移揚在元祐

七年二月

和趙德麟送陳傳道

二陳既妙士兩歐惟德人王孫乃龍種世有蘭雲麟五
君從我游傾寫出怪珍俗物敗人意茲游

施氏原本
作得訛

實

清醇那知有聚散佳夢失欠伸我舟下清淮沙水吹玉
塵君行踏曉月疎木挂寸銀尚寄別後詩翦刻淮南春

五君

仕淵陳後山詩注云東坡守穎時趙德麟作燕
判後山為學官其兄傳道來過而歐陽叔弼李

默家居于穎東坡送傳道
詩所謂五君從我遊是也

蘇詩補註卷三十四

蘇詩補註卷三十四

欽定四庫全書

集部

蘇詩補註卷三十五

詳校官庶吉士_臣李傳熊

檢討_臣何思鈞覆勘

總校官原任中允_臣王燕緒

校對官中書_臣王家賓

謄錄監生_臣胡念祖

欽定四庫全書

蘇詩補註卷三十五

翰林院編修查慎行撰

古今體詩五十三首

起元祐七年壬申三月自穎移知揚州其年九月以兵部尚書

召還途

中作

上巳日與二子追過遊金山荆山記所見

此生終安歸還

一作旋

軫天下半竭來乘標廟復作微禹

嘆

公自注昔自南河赴杭州過此蓋二十二年矣

從祠及彼呱

公自注山有啓廟

像設

偶此粲

公自注謂塗山氏

秦祖當侑坐

公自注廟有柏翳

夏郊亦薦裸

公自注
有絲廟

可憐淮海人尚記孤矢旦

公自注淮南人謂禹以六月六日生是日

數萬人會山上雖傳
記不載然相傳如此

荆山碧相照楚水清可亂別人有

餘坑美石肖溫瓚

公自注荆山下有卞氏采玉坑石色如玉不受鐫刻取出山下輒變色不

復溫

龜泉木杪出牛乳石池漫

公自注龜泉在荆山下色白而甘真陸羽所謂

瑩

石池漫流者有石記云
唐貞元中隨白龜流出

小兒強好古侍史笑流汗歸時

蝙蝠飛炬火記遠岸

奎山

注詳第
六卷

荆山

名勝志荆山在懷遠縣西南山之西北有采玉坑一名抱璞巖宋景

濂遊記云自奎山麓北經縣治折而西行約三里至荆山

龜泉

名勝志白龜泉在荆山東南

淮上早發

澹月傾雲曉角哀小風吹水碧鱗開此生定向江湖老

默數淮中十往來

十往來

按年譜公以熙寧四年赴杭州通判七年由杭赴密州元豐二年三月自徐州移湖州其

年七月逮赴臺獄三年謫黃州七年量移汝州八年春赴南京隨放歸陽羨五月起知登州是冬除起居舍人赴闕元祐四年出守杭州六年再召還朝今自賴移知揚州往來皆經淮上故云

次韻徐仲車

公自注仲車耳聲

惡衣惡食詩愈好恰是

石刻作似

霜松轉春鳥蒼蠅莫亂遠

雞聲世上誰如

一作知

公覺早八年看我走三州

公自注元豐八年

年予赴登州元祐四年赴杭州今赴揚州皆見仲車

月自當空水自流人間擾擾

真螻螳應笑人呼作鬪牛

慎按節孝先生集載求坡此詩題云昨日見仲車先生耳疾雖未甚痊而神氣已一真得道者蒙惠佳篇輒次韻奉答云云今考節孝集失去原作

附徐仲車作

節孝集原題云贈子瞻

昔者益州牧意欲見杜微不能以身往使以輦致之雖用為諫議待士禮已非而況君房輩端坐呼

子陵子陵胸中氣直與青雲平豈肯為人屈彼亦
徒驕矜孰如揚州牧自處遜與恭德不矜其盛事
不矜其功南郭已三顧迂身為衰翁以手書所問
視面嘆厥容移時能立語避乘乃鞠躬不知古之
人幾人能如公

慎按節孝集與東坡贈答詩凡三首此篇
乃在東坡自穎移揚所作故附錄於此

次林子中春日新堤書事見寄

東都

一作來

寄食似浮

一作孤

雲襍被真成一宿賓收得玉

堂揮翰手却為淮月弄舟人羨君湖上齋搖碧笑我花

時甌有塵為報年來殺風景連江夢雨不知春

公自注來詩有

芍藥春之句揚州近歲率為此會用花十萬餘枝更緣為奸民極病之故罷此會

花時

志林云揚州芍藥為天下冠蔡繁卿為守始作萬花會歲聚絕品十萬餘枝于聽事燕賞旬日

既殘乃歸于各園

慎按施氏原注云公所與子中帖真迹藏玉山汪端明家此段新刻本刪去今錄存

送陳伯修察院赴闕

裕陵固天縱筆有雲漢姿嘗重連山象不數秋風辭龍

騰與虎變狸豹復何施我窮真有數文字乃見知聞君
射策日妙語發疇咨一日喧萬口驚倒同舍兒豈知二
十年道路猶遲遲苦言如藥石瞑眩終見思屈伸反覆
手獨於君可疑四門方穆穆行矣及此時

陳伯修

施氏原注伯修名師錫建安人遊太學有文名神宗知之登第奏名在欽間帝得其文屢

讀屢嘆顧待臣曰此必陳師錫文也啓封果然擢為
第三人故云聞君射策日妙語發疇咨知臨安縣拜
監察御史進言宋興以來號稱太平者莫如仁祖不
過延直言進善退邪而已明道中親覽萬幾自呂夷
簡張耆夏竦陳堯佐范雍晏殊等一日罷去竇元初
因諫官韓琦之言王隨陳堯佐韓德石中立同時見

絀其後不次擢用杜衍范仲淹富弼韓琦以成慶厯嘉祐之治願稽皇祖納諫御臣之意以興治功帝善其言有意超用時詔進士習律伯修言方用經術迪士不應以刑名之學亂之望追寢其制用事者以其倡為詖說出知宿遷縣元祐間東坡三上章薦其學術淵源行已絮素議論剛正器識靖深德行追蹤于古人文章冠絕于當世伯修以言事被斥至元祐間政令一新向之不合者率皆召用矣故云苦言如藥石瞑眩終見思云云及入為校書郎遷工部郎中用為殿中侍御史坐黨論削官徙郴州卒以下尚有十三行脫落不全新刻一概刪去今錄存其可辨者又按李之儀姑溪集云伯修為湖州掌書記表見于東坡老人赴獄之際天下識與不識想見其人云云伯修在湖州事無可考附錄于此

文字見

知宋史蘇軾本傳嘗鎖宿禁中入對便殿宣仁后問知曰卿前年為何官曰黃州團練副使曰今為何官

曰今待罪翰林學士曰何以遽至此曰遭逢太皇太后皇帝陛下曰非也先帝每誦卿文章必嘆曰奇才奇才但未及進用卿耳賦不覺哭失聲左右皆感泣

送張嘉父長官

都城昔傾蓋駿馬初服軛再見江湖間秋鷹已離鞬於今三會合每進不少留豫章既可識瑚璉誰當收微官有民社妙割無雞牛歸來我益敬器博用自周百年子初筵我已迫旅酬但當寄一作記苦語高節貫白頭

張嘉父

再見按元豐十年公赴登州時有泗上張嘉父三絕句載本集二十六卷

在潁州與德麟同治西湖未成改揚州三月十六

日湖成德麟有詩見懷次其韻

太山秋毫兩無窮鉅細本出相形中大千起滅一塵裏

未覺杭潁誰雌雄

公自注來詩云與杭爭雄

我在錢塘拓湖淥大堤

士女爭昌丰六橋橫絕天漢上北山始與南屏通忽驚

二十五萬丈老葑席卷蒼雲空竭來潁尾弄秋色一水

縈帶昭靈宮坐思吳越不可到借君月斧修腫臃二十

四橋亦何有換此十頃玻瓈風雷塘水乾未泰滿寶釵

耕出餘驚龍明年詩客來弔古伴我霜夜號秋蟲

公自注德

麟見約來揚寄居亦有意求揚倅

杭潁

王直方詩話杭潁皆有西湖東坡連守二州有潁人在座云內翰只消遊西湖中便可了郡事

秦少游詩云欲將公事湖中了見說官閒事亦無

六橋

咸淳臨安志蘇堤南來第一橋曰映波第

二橋曰鎖鑰第三橋曰望山第四橋曰壓隄第五橋曰東浦第六橋曰跨虹

二十五萬丈

本集請開西湖狀云差官打量湖上葑田計二十五萬餘丈合用夫二十餘萬工

昭靈宮

即張

龍公廟注見先生碑記中

二十四橋

輿地紀勝隋于揚州置二十四橋並以城門坊市署名後

韓令坤改築州城分布阡陌別立橋梁所謂二十四橋者或存或廢不可得而知也

次韻德麟西湖新成見懷絕句

壺中春色飲中僊

公自注謂洞庭春色也

騎鶴東來獨惘然猶有

趙陳同李郭不妨同泛過湖船

再次韻德麟新開西湖

使君不用山鞠窮飢民自逃泥水中欲將百瀆起凶歲

公自注予以潁人苦飢奏乞留黃河夫萬人修境內溝洫詔許之因以餘力浚治此湖

免使甌石

愁揚雄西湖雖小亦西子縈流作態清而丰千夫餘力

起三閘焦陂下與長淮通十年憔悴塵土窟清瀾一洗

啼痕空王孫本自有僊骨平生宿衛明光宮一行作吏
人不識正似雲月初朦朧時臨此水照冰雪莫遣白髮
生秋風定須却致兩黃鵠新與上帝開濯龍湖成君歸
侍帝側燈花已綴釵頭蟲

焦陂

潁州志焦陂在州南四十里唐永徽中刺史柳
積實所開歐陽公詩焦陂八月新酒熟秋水魚

肥膾如玉清河兩岸柳
鳴蟬直到焦陂不下船

到官病倦未嘗會客毛正仲惠茶乃以端午小集

石塔戲作一詩為謝

我生亦何須一飽萬想滅胡為設方丈養此膚寸舌爾

來又衰病過午食

一作飯

輒噎繆為淮海帥每愧厨傳闕

爨無欲清人奉使免內熱空煩赤泥印遠致紫玉玦為
君伐羔豚歌舞荪泰節禪窗麗午景蜀井出水雪坐客
皆可人鼎器手自潔金釵候湯眼魚蟹亦應訣遂令色
香味一日備三絕報君不虛受知我非輕啜

毛正仲

宋史毛漸字正仲第進士哲宗朝歷江東兩浙轉運副使浙部水溢起長安堰至鹽官徹

清水浦入海累遷秘閣校理進龍圖閣學士

石塔

維揚志石塔寺即唐之木蘭院

厨傳闕

本集中明揚州公使錢狀云揚于東南實為都會八
路舟車無不由此使客雜沓餽送相望將迎之費相
繼不絕每年公使額錢只與真泗等列郡一般比之
楚州少七百貫兼復累年接送知州實為頻數用度
不貲又云本州與杭州事體一般杭州公使錢
七千貫而本州止有五千貫顯是支使不足
茗溪叢話云六一居士嘗新茶詩云泉甘器潔天色
好坐中揀擇客亦嘉東坡守維揚于石塔試茶詩禪
窗麗午景蜀井出冰雪坐客皆可人
鼎器手自潔正謂諺云三不點也

附晁无咎次韻

從雞肋
集采出

唐來木蘭寺遺跡今未滅僧鐘嘲飯後語出饑客
舌公今食方丈玉茗攄噫噓當年卧江湖不泣逐

臣珖中和似此茗受水不易節輕塵散羅麴亂乳
發甌雪佳辰雜蘭艾共弔楚纍潔老謙三昧手心
得非口訣誰知此間妙我欲希超絕持誇淮北士
湯餅共朝啜

慎按雞肋集當年卧江湖之上
脫去闕熱二韻須覓善本補入

雙石并引

至揚州獲二石其一綠色罔竅迤邐有穴達于背其
一正一作白可鑒漬以盆水置几案間忽憶在潁州

日夢人請住一官府榜曰仇池覺而誦杜子美詩曰
萬古仇池穴潛通小有天乃戲作小詩為僚友一笑
夢時良是覺時非汲井埋盆故一作固自癡但見玉峰橫
太白便從鳥道絕峨嵋秋風與作烟雲意曉日令涵草
木姿一點空明是何處老人真欲往仇池

仇池

九域志成州同
谷郡有仇池山

飲酒詩二十首

并引

吾飲酒至少常以把盞

一作杯

為樂往往頽然坐睡人

見其醉而吾中了然蓋莫能名其為醉為醒也在揚
州時飲酒過午輒罷客去解衣盤礴終日歡不足而
適有餘因和淵明飲酒二十首庶以髣髴其不可名
者示舍弟子由晁元咎學士

我不如陶生

一本作我
生不如陶

世事纏綿之云何得一適亦有

如生時寸田無荆棘佳處正在茲縱心與事往所遇無
復疑偶得酒中趣空杯亦常持

寸田

黃庭經寸田尺宅好治生注云
寸田謂三丹田各方一寸也

酒中趣

李白詩
但得醉

中趣勿為
醒者傳

慎按先生和陶詩始于揚州官舍後在嶺南
盡和陶韻子由有敘別成二卷諸刻皆同今
按年分編義詳例略中

附子由次韻

我性本疎懶父母強教之逡巡就科選逮此年少
時幽憂二十年懶性祇如茲偶然踐黃闥俯仰空
自疑乞身未敢言常愧外物持

附晁无咎次韻

少賤足可喜險阻更嘗之為親謀斗粟無意出競
時緬焉效一官報國方在茲寧當不恤緯對酒懷
憂疑學道恨力淺中遭世網持

二豪詆醉客氣湧胸中山漼然似氷釋亦復在一言
氣寔其腹云當享長年少飲得徑醉此秘君勿傳

附子由次韻

人言性本靜不必林與山世雖有此理知誰非妄

言自我作歸計於今十餘年低回軒冕中此語愧
虛傳

附晁元咎次韻

沉飲非荒宴凜然忽顏山或人欲問事已醉不能
言古來亦如此名字垂千年但問酒中適豈計飲
者傳

道喪士失已出語輒不情江左風流人醉中亦求名淵
明獨清真談笑得此生身如受風竹掩冉衆葉驚俯仰

各有態得酒詩自成

不情

漢書地理志齊士言
與行繆虛詐不情

附子由次韻

世人豈知我兄弟得我情
少年喜文章中年慕功名
自從落江湖一意事養生
富貴非所求寵辱未免驚
平生不解飲欲醉何由成

附晁无咎次韻

陶公羣於人而無人之情
詩豈世外語世語不可

名東坡憐此翁同調但隔生形光來戶屢真處人不驚得酒自醒醉放意無虧成

蠢蠕食葉蟲仰空慕高飛一朝傳兩翅乃得黏網悲凋

啾同

一作厭

巢雀沮澤宜可依赴水生兩殼遭閉何時歸

二蟲竟誰是一笑百念衰幸此未化間有酒君莫違

附子由次韻

秋鴻一何樂空際乘風飛秋蟲一何憂壁間終夜悲憂樂本何有力盡兩無依物生逐所遇行久不

知歸少年氣難回老者百事衰聊復沃以酒永與
狂心違

附晁无咎次韻

園林日夕好花繁時鳥飛少年玩芳物不飲坐成
悲只今未白髮念昔已依依紛華戰吾道決勝當
有歸挫銳培其根外槁中匪衰念方終日行輜重
安得違

小舟真一葉下有暗浪喧夜棹醉中發不知枕几偏天

明問前路已度千金

一作重

山嗟我亦何為此道常往還

未來寧早計既往復何言

附子由次韻

昔在建城市鹽酒晝夜喧
夏潦恐天漏冬雷知地偏
妻孥日告我胡不返故山
一來朝廷上七年不知還
有寓均建城且志昔日言

附晁元咎次韻

一眼異青白口語來啾喧
酌一不酌一用意何其

偏誰似子孫子高樓蘇門山時隨嶺雲出又與林
鳥還平生但長嘯獨為嵇生言

百年六十化念念竟非是是身如虛空誰受譽與毀得
酒未舉杯喪我固忘爾倒床自甘寢不擇管與綺

六十化

莊子蘧伯玉行年六十而六十化未嘗不始于是之而卒詘之以非也

甘寢

莊子

孫叔敖甘寢秉羽而郢人投兵韓愈詩倒身甘寢百疾愈

附子由次韻

夢中見百怪一一皆謂是醉中身已忘萬事隨亦

毀此心不應然外物妄挾爾安心十年後此語知

非綺

附晁无咎次韻

高賢衆所懷衆理應取是如何濟衆事難成復易
毀功成身無與天運亦復爾軒裳役羣愚兒曹眩

文綺

頃者大雪年海派

一作波

翻玉英

一作雲

有士常痛飲飢寒

見真情牀頭有敗榼孤坐時一傾未能平體粟且復澆

腸鳴脫衣裏凍酒每醉念此生

附子由次韻

開卷觀古人誰非一世英
骨肉委黃墟泯滅俱無情
憧憧來無盡擾擾相奪傾
驚雷震朱夏鮮能及秋鳴
得酒且酣飲問誰逃死生

附晁无咎次韻

庭前兩古柏凌霄燦其英
問此誰榮枯霜雪見其情
榮枯何足計有酒還自傾
熟寐暫展轉覺來一

蟬鳴歸休但如此便足了平生

我坐華堂上不改麋鹿姿時來蜀岡頭喜見霜松枝心
知百尺底已結千歲奇煌煌凌霄花纏繞復何為舉觴
酹其根無事莫相羈

千歲

史記龜策傳茯苓者千歲松根

凌霄花

爾雅苔一名凌霄郭璞注又名凌霄孔穎達詩

疏一名凌霄時本草紫歲凌霄花也蔓生依大木久延至顛其花黃赤

附子由次韻

明月生東牆萬物含餘姿孤蟬庇繁陰衆鳥栖高

枝解衣適少事捫腹知無奇朝與羣動作暮復何
所為此時不自有日出還受羈

附晁元咎次韻

功名有天命美好無定姿雲夢未足吞聊可巢一
枝同時金門士文學多瑰奇襟被向淮海酣放遽
爾為車蓋豈不榮野馬不受羈

芙蓉在秋水時節自闔開清風亦何意入我芝蘭懷一
隨采擇去永與江湖乖斷絲不復續斗水何足栖不如

玉井蓮結根天池泥感此每自慰吾事幸不諧醉中有
歸路了了初不迷乘流且復逝抵曲吾當回

天池蓮

山海經太華山削成而四方高五千
仞廣十里山頂有池生千葉蓮花

醉中歸

路

白居易效陶潛體詩處
處去不得知歸酒中來

附子由次韻

尺書千里至輟食手自開將卜東南居故鄉非所
懷勿羨湖山美永與平生乖鴻雁秋南來及春思
故栖蛟龍乘風雲既雨反其泥兄弟通四海叩門

事難諧直道竟三黜去國終恐迷何如自衛反闕
里從參回

附晁无咎次韻

城東故鹽渠自昔誰所開似說全盛時邈焉一長
懷穿渠引江水此計未為乖千帆競暮入集浦如
鳥棲萬疇分白浪嘉稻擢新泥恐此太多事且當
寄嬉諧疏通養魚鳥花柳共低迷時時載酒往江
上亦忘回

籃輿兀醉守路轉古城隅酒力如過雨清風消半途前

山正可數後騎且勿

一作莫

驅我緣在東南往寄白髮餘

遙知萬松嶺下有三畝居

康溪詩話韓退之和裴晉公詩云秋臺風日迥正好
看前山東坡和陶云前山正可數後騎且莫驅語雖
不同而寄情物外夷曠優游之意則同

附子由次韻

羌虜忘君恩戰鼓驚四隅邊候失晨夜驛騎馳中
途詔書止窮征諸將守來驅敵微勢可料師競力

無餘防邊未云失憂懷愧安居

附晁无咎次韻

大明唐來寺廢苑東南隅青松拱高阜崎嶇有微
途肩輿病我早一馬良可驅衆木媚深壑氣黑時
雨餘此焉可數醉何用葺吾居

民勞吏無德歲美天有道暑雨避麥秋溫風送蠶老三
咽初有聞一溉未濡槁詔書寬積欠父老顏色好再拜
賀吾君獲此不貪寶頽然笑阮籍醉几書謝表

溫風

蔡邕月令章句溫風暑氣之在風者也

詔書寬積欠

按宋史元祐七年有詔寬

免積欠公在揚州論積欠狀云諸路連年水旱上下共知而轉運司不肯放稅所以逐縣例皆拖欠兩稅較其所欠與依實檢放無異于官了無所益而民有追擾鞭撻之苦近日詔旨凡積欠皆分為十料催納通計五年而足聖恩隆厚何以加此

附子由次韻

修己以安人嗟古有此道平生妄謂得忽忽恨衰
老年來亦見用何益世枯槁逡巡事朝謁出入自
媚好報君要得人被褐信懷寶斯人何時見即上

歸耕表

附晁元咎次韻

蘇公士冠冕復似郭有道知士未達間趣搢保耆
老精鋼試九火勞倦容不槁為州第飲酒況此年
歲好藏鋒避世故輕敵喪吾寶時來用毫末勲業
自世表

我夢入小學自謂總角時不記

一作謂

有白髮猶誦論語

辭人間本兒戲顛倒略似茲惟有醉時真空洞了無疑

陸車終無傷莊叟不吾欺呼兒具紙筆醉語輒錄之

附子由次韻

春早麥半死夏雨欣及時出郊視禾田父老有好
辭秋陰結愁霖似欲真敗茲冥冥人天際影響良
不疑精誠發中禁愍默非有欺難號日東出乃令
民信之

附晁无咎次韻

東漢有兩士才智炫一時三公往訪事卧病亦見

辭偉明獨不然小道安取茲斯人似水鏡與世破
昏疑憂國不為身百世那可欺舉杯相歡屬是事
亦置之

醉中雖可樂猶是生滅境云何得此身不醉亦不醒癡
如景升牛莫保尻與領黠如東郭餽束縛作毛穎乃知
嵇叔夜非坐虎文炳

生滅境

楞嚴經我今示
汝不生不滅

虎文炳

易大人虎變
其文炳也

附子由次韻

天厨釀氷池搖蕩畏出境年衰雜羸疾一醕百不醒
鸞臺異諸曹有政非簿領頽然雖無謫固一作

謝出囊穎回首愧周行羣英粲彪炳
附晁无咎次韻

高居忽若遺不識身與境頗疑酣中似奈爾輒復
醒東坡自云然挈世一裘領是事吾有師安敢囊
出穎指窮火已傳豈待得薪炳

我家小馮君天性頗醇

一作純訛

至清坐不飲酒而能容我

醉歸休要相依謝病當以次豈知山林士翫辭乃爾貴
乞身當念早過此恐少味

少味

後漢馬援與楊廣書曰及今成計殊尚善也過是欲少味耳

附子由次韻

淮海老使君受詔行當至當官不避事無事輒往
醉平生自相許兄先弟亦次東南豈徒往多難嫌
暴貴白首六卿中嚼蠟那復味

附晁无咎次韻

安昌漢耆儒樂飲侈亦至東坡儉不固少飲得往
醉愚敢效戴崇正復思其次旁通獲親愛公亦安
所貴便坐時一卮彭宣寧寡味

去鄉三十年風雨荒舊宅惟存一束書寄食無定迹每
用愧淵明尚取禾三百頎然六男子粗可傳清白於吾
豈不多何事復嘆息

六男子

子瞻 三子邁 迨 過
子由 三子遲 迨 遠

附子由次韻

去年旅都城三月不求宅彼哉安知我爭掃習禮
迹三已竟無怨心伏鷲鳥百無私心如丹絰患髮
先白功名已不求餘事復何惜

附晁无咎次韻

幼聞錦江春欲訪子雲宅叩門問奇字便掃四方
迹青雲看一鶚凡毛媿累百勞公諭伯業齒堅頭
未白何當擺俗累歲月可惋惜

曉曉六男子絰誦各一絰復生五丈夫戢戢丁欲成歸

田了門戶與國充踐更普兒初學語玉骨開天庭淮老
如鶴雛破殼已長鳴舉酒屬千里一歡愧凡情

普兒淮老

先生二
孫名

附子由次韻

家居簡餘事猶讀內景經浮塵掃欲盡火棗行當
成清晨委羣動永夜依寒更低幃悶重屋微月流
中庭依松白露上歷坎幽泉鳴功從猛士得不取
兒女情

附晁无咎次韻

王道無偏黨此語聞諸經高賢如大海亦以衆流
成文饒嘆維州刀鋸人所更相如復私怨出語驚
秦庭小人慮事踈妄意鹽車鳴安得如江海洗我
塵垢情

淮海雖故楚無復輕揚風齋厨聖賢雜無事時一中誰
言大道遠正賴三杯通使君不夕坐衙門散刀弓

淮海

禹貢淮海惟揚州注揚州之域北據淮東南至
於海洪邁平山堂記揚為州最古南傳海北鍵

淮

大道

李白詩三
杯通大道

附子由次韻

南方有貧士狂怪如病風
垢面髮如葆自汙屠酒
中道我引河水與崑崙
通長箭挽不盡不中毋
尤弓

附晁无咎次韻

淮南夏早收晚秧亦含風
連艫似雍絳千斛輸吳
中使君飲酒樂歲美關梁
通安得天下人俱忘楚

人弓

何人築東臺一郡坐可得亭亭古浮圖獨立表衆惑蕪
城閱興廢雷塘幾開塞明年起華堂置酒弔亡國無令
竹西路歌吹久寂默

附子由次韻

清秋九日近菊酒皆可得永愧陶翁饑雖饑心不
惑懷忠受正命賦命本通塞斯人今苟在可與同
事國惜哉委荆榛忍饑長默默

附晁无咎次韻

十年一麥禾比歲亦難得寄語吾州人不飲良大
惑經時無死市吏責亦可塞先生門弟子佐守同
一國舉杯日相屬有句安得默

晁子天麒麟結交及未仕高才固難及雅志或類已各
懷伯業能共有丘明耻歌呼時就君指我醉鄉里吳公

別本作
國訛

門下客賈誼獨見紀請作鵬鳥賦我亦得坎止

行樂當及時綠髮不可恃

吳公門下

漢書賈誼傳河南守吳公聞其秀才召賓門下文帝徵吳公為廷尉乃言賈誼召為

博士

附子由次韻

我友二三子，兼有仕未仕。
青松出林秀，豈獨私與已。
歛然不求人，而我自壘耻。
臨風忽長鳴，誰信日千里。
江行視漁父，但自正網紀。
持網起萬目，魴鱖皆可止。
老成日就衰，所餘殆難恃。

附晁元咎次韻

堂堂門下公英發自初仕卷舒固以時出處不為
已朝廷登儒輔德被民有耻岷峨更崢嶸清風在
閭里獨醒固不惡既醉又可紀成王訪落時百室
就盈止吾儕為國謀私愛不足恃

蓋公偶談道齊相獨識真頽然不事事客至先飲醇當

時劉項罷四海瘡痍新三杯洗戰國一斗消強秦寂寥

一作
寔

千載後陽公嗣前塵醉卧客懷中言笑徒多勤我

時閱舊史獨與三人親未暇餐脫粟苦心學平津草書

亦何用醉墨淋衣巾一揮三十幅持去聽坐人

按元裕之跋東坡飲酒詩後云東坡和陶氣象祇是東坡如云三杯洗戰國一斗消强秦淵明決不能辦此獨恨空杯亦嘗持之句與論無絃琴者自相矛盾別一詩云二子真我客不醉亦陶然此為佳

附子由次韻

諸妄不可賴所賴惟一真內欲求性命油然反清
淳外將應物化致一常日新商於四父老攜手初
逃秦翻然感漢德投足復踐塵出處盖有道豈為
諸呂勤嗟哉千載後澹然與之親還將山林姿俛

首要路津囊中舊時物布衣白綸巾功成不歸去
愧此同心人

附晁无咎次韻

黃子似淵明城市亦復真陳君有道舉化行閭井
淳張侯公瑾流英思春泉新高才更難及淮海一
髯秦嗟予競何為十駕晞後塵文章不急事用意
斯已勤平生不共飲嘆息無與親問道伯昏室何
人獨知津各在天一方淚落衣上巾歸休可共隱

山中復何人

次韻晁元咎學士相迎

少年獨識晁新城，閉門却掃卷旆旌。
胸中自有談天口，坐却秦軍發墨守。
有子不為謀置錐，虹霓吞吐忘寒飢。
端如太史牛馬走，嚴徐不敢連尻脰。
裴回未用疑相待，枉尺知君有家戒。
避人聊復去瀛洲，伴我真能老淮海。
夢中仇池千仞巖，便欲攬我青霞幘。
且須還家與婦計，我本歸路連西南。
老來一作飲酒無人佐，獨看紅藥傾。

白墮每到平山憶醉翁懸知他日君思我路旁小兒笑
相逢齊歌萬事轉頭空賴有風流賢別駕猶堪十里卷
春風

晁无咎

東都事略晁補之字无咎舉進士為廬州司
戶參軍召試為秘閣校理出通判揚州後知

泗州施氏原注无咎年十七從父官新城後通判揚
州東坡來為守无咎以詩相迎坡和靖節飲酒詩其
一篇為无咎作有晁子天麒麟結交及未仕之句章
子厚當國由著作郎出守齊徽宗立還為郎黨論再
起出守泗州忘情仕進葦歸來
園自號歸來子卒年五十八
晁新城咸淳臨安志
中為新城令子補之年十七隨侍官所東坡行縣以
文章來謁葉石林詩話晁端友字君誠本集晁君誠

詩序云余官于杭新城令晁端友者君子人也與之
游三年而不知其能為文與詩從仕二十三年而後
改官以歿○又按黃山谷所作晁君誠墓誌二十五
歲舉進士從仕二十年然後得著作佐郎四十七以
歿中間止序為上虞令而不及新城又稱其詩時出
奇以自見在京師病卧昭德坊其子補之榻前抄得
四十篇

附晁无咎原作

雞肋集題云東坡先生移守廣陵以詩往迎先生以淮南早書中教

虎頭祈雨法始走諸祠即得甘澤因為賀

去年使君道廣陵吾州空市看雙旌今年吾州歡
一口使君來為廣陵守麥如櫛髮稻立錐使君憂

民如已飢似聞維舟禱靈塔如絲氣上淮西雕隨
軒膏雨人所待風伯何知亦前戒虎頭未用沈滄
江龍尾先看掛青海為霖功業在傅巖如何白首
擁彤幃世上讒夫亂紅紫天教仁政滿東南青袍
門人老州佐於世無成志消墮封章去國人恨公
醉笑從公神許我瓊花芍藥豈易逢如淮之酒良
不空一釭孤鴻烟雨曲平山堂上快哉風

次韻范淳

一作純

父送秦少章

宿緣在江海世網如予何西來庾公塵已濯長淮波十

年淮海人初見一麥禾但欣爭訟少未覺舟車多秦郎

忽過我賦詩如卷阿句法本黃子

公自注謂魯直也

二豪與楷

磨

公自注謂其兄少游與張大潛也

嗟我久離羣逝將老西河後生多

名士欲薦空悲歌小范真可人獨肯勤收羅瘦馬識駮

耳枯桐得雲和近聞館李生

公自注謂李薦方叔

病鶴借一柯贈

行苦說我妙語慰蹉跎西羌已解仇烽火連朝那坐籌

付公等吾將寄潛沱

范淳父

宋史范祖禹字夢得哲宗朝由秘書正字遷著作郎兼侍講蘇軾稱為講官第一復齋漫

錄范淳父乃范百祿之子百祿夫人生子夢鄧太傅曰我鄧禹也來為爾子故生而名曰祖禹字夢得元豐末司馬公世網陸士衡詩借問子何之世網嬰我易之以淳父身按范內翰集中失原作俟再考

附晁元咎次韻

高詞自班馬短句亦陰何
翰寫無窮已懷山赴壑
波深耕待銍艾療饑乃嘉禾
機雲共一時未信來
者多老病愧羣豪魚山臨東阿
蘇公門下客事業
皆不磨孫寶暫主簿靈槎會窮河
他年九功敘當

使睦者歌業虞置牙羽莞蕭復森羅鏞鐘欠一鐸
未害大樂和分欲從浮海珊瑚爛紅柯龍門雖箭
駛此志未蹉跎丹砂還黑髮流景爾則那仇池出
一派分江定有沱

附朱長文次韻

學圃餘藁原題云少章過吳門龍
示淳夫子瞻倡和并惠山寄少游

之什俾余繼作輒
次二公韻以寄之

懷友對華月身如匏繫何遙聆金玉音悵望江湖
波憂來誦三百調飢餉嘉禾蘇范天下賢閱士歲

月多憐君如蘭芷長育瑤山阿良工得寶璧韞櫝
加琢磨發為驚人語九曲傾洪河蟠蜿寄短章浩
蕩寫長歌一官得武陵萬景盡包羅又如彈響泉
餘韻清且和籍湜師韓文其則在伐柯俯視枳棘
間翔鸞豈蹉跎聖朝頌聲作周雝與商那二公且
大用豈得歸岷沱

聞林夫當徙靈隱寺寓居戲作靈隱前一首

靈隱前天竺後兩澗春淙一靈鷲不知水從何處來跳

波赴壑如奔雷無情有意兩莫測肯向冷泉亭下相縈
回我在錢塘六百日山中暫來不暖席今君欲作靈隱
居葛衣草屨隨僧蔬能與冷泉作主一百日不用二十
四考書中書

靈隱天竺

咸淳臨安志靈隱天竺兩山由一門而入
陸羽記云南天竺北靈隱宋樓狀云靈鷲

興聖寺記云靈隱前天竺後名與天壤齊介兩山間
一蘭若曰靈鷲竇石澗泉中分而兼有之釋氏指古
略云西天竺惠理法師于晉咸和中至杭州見山巖
秀麗曰吾國中天竺靈鷲山之十小嶺不知何年飛
來有洞舊有白猿呼之應聲而出人始
信之師即其地建兩刹先靈鷲後靈隱

冷泉亭

白居易
易冷

泉亭記先時領郡者有相里君造虛白亭韓臯作候
仙亭裴棠棣作觀風亭盧元輔作見山亭及右司郎
中河南元冀最後作此亭于是
五亭相望如指之列佳境彈矣

滕達道輓辭二首

先帝知公早虛懷第一人至今詩禮將獨

一作惟

數武宣

臣材大雖難用時來亦少信高平風烈在威敏典刑新
空試乘邊策寧留相漢身淒涼舊部曲淚濕冢前麟

滕達道

按達道歷官始末施注殘缺不全今据本集墓誌補之公諱甫字元發後避高魯王諱以

字為名而字達道東陽人也常舉進士試于廷宋子京奇其文擢為第三人而以聲韻不中法罷之後八

年復中第三通判湖州時孫元規守錢塘一見公曰
名臣也後當為賢將召試學士院同修起居注不遷
者十年神宗朝為御史中丞地震上疏指陳致災之
由大臣不悅出知秦州除翰林學士知鄆州移定州
作堂以安邊名之留守南都徙齊鄧二州妻黨有犯
法者小人因是擠公落職知池州徙蔡改安州復貶
筠州上書自明帝覽之即以為湖州今上即位徙蘇
揚二州除龍圖直學士復為鄆州徙真定河東治邊
凜然威行西北號稱名將年七十一力求淮南乃以
龍圖閣學士出知揚州未至而薨時元祐五年十月
二十四日也

先帝知公早
王明清揮麈後錄熙寧初滕元發與楊元素俱受上知居臺諫

偶上殿陳于上曰曾公亮久在相位有妨賢路上曰
然卿等何故都未有文字來明日相約再對草疏已
畢元發之弟申見之持以告曾曾先向上前韓析上
怒其為耳目之官不慎密乃爾言遂不行二人由此

失眷東坡先生挽詩先帝知公高平宋史范仲淹其

早二句謂受裕陵眷留最先也

高平

先邵人也滕元

發墓志范希文皇考舅也見公而奇之教威敏東都

以為文揮麈後錄元發范文正之外孫也

威敏事略

孫沔字元規會稽人為入明敏果毅任終觀文殿學

士謚威敏徐自明宰輔編年錄仁宗皇祐四年孫沔

自樞密直學士除樞密副使以嘗副狄青宣撫

賊平故有是命明年三月罷在樞府不及一年

雲夢連江雨樊山落木秋公方占賈鵬我正買龔牛共

有江湖樂俱一作空懷猷猷憂荆溪欲歸老浮玉偶同遊

翫體儀刑在驚呼歲月道回頭雜歌哭挽語不成謳

按東坡謫黃州與元發往還尺牘甚多正

元發落職守池州時也故起四句云然

附子由作

才適邦家用學非章句儒相逢初莫測流落一長吁
大節輕多難深言究遠圖收功太原守談笑視羌胡

南竄逢公弄水亭

公時守池

北歸留我闔閭城壯年不

見日千里餘論猶驚敵萬兵簡冊何人知造膝邊防
逐處聳先聲傷心繫舸城東地目斷安知有死生

次韻蘇伯固遊蜀岡送李孝博奉使嶺表

新苗未沒鶴老葉方翳蟬綠渠浸麻水白板燒松煙笑
窺有紅頰醉卧皆華顙家家機杼鳴樹樹梨棗懸野無
佩犢子府有騎鶴仙觀風嶠南使出相山東賢渡江弔
狼石過嶺酌貪泉與君步徙倚望彼修連娟願及南枝
謝早隨北雁翩歸來春酒熟共看山櫻然

蘇伯固

名堅注
見前

蜀岡

盛儀維揚志蜀岡在江都縣西
接儀真界志云禪志寺側為崑

丘臺即
蜀岡也

李孝博

字叔升時自山陽守以治行高第即
拜廣東提點刑獄詳見徐仲車節孝

集中仲車亦有
送行詩不具錄

步徙倚

楚詞遠游章步
徙倚以遙思

太夫人以元咎生日置酒書壁一絕

壽樽餘瀝到朋簪要與郎君夜語深敢問阿婆開後閣
井中車轄任浮沉

慎按太夫人謂晁无咎之母也此詩施氏原
本不載今從新刻續補下卷移編揚州卷中

石塔寺

并引

世傳王播飯後鐘詩蓋揚州石塔寺事也相傳如此

戲作此詩

饑眼眩

一作望

東西詩腸忘早晏雖知燈是火不悟鐘非

飯山僧異漂母但可供一莞何為二十年記憶作此訕

齋厨養若人無益祇貽患乃知飯後鐘闍黎蓋具眼

王播

唐書王播傳播字明敷其先太原人父恕為揚州倉曹參軍因家于揚與弟揆並舉元和進士

官至同中書門下平章事出為淮南節度使

石塔寺

即木蘭院

燈是火

施氏原注俗諺

云早知燈是火飯熟已多時

闍黎

翻譯名義集梵云阿闍黎此云軌範師又云悅眾

送晁美叔發運右司年兄赴闕

我年二十無朋儔當時四海一子由君來扣門如有求

頽然鶴骨清而修醉翁遣我從子遊翁如退之蹈軻丘

尚欲放子出一頭

公自注嘉祐初與子由寓興國浴室美叔忽見訪云吾從歐陽公游久矣

今我來與子定交謂子必名世老夫亦須放他出一頭地

酒醒夢斷四十秋病鶴不

病骨愈蚪惟有我顏老可羞醉翁賓客散九州幾人白

髮還相收我如懷祖拙自謀正作尚書已過優君求會

稽實良籌往看萬壑爭交流

公自注美叔方乞越

慎按先生受知於歐陽在嘉祐丁亥晁美叔

與公同年定交即在此時時先生年二十三
而詩云我年二十無朋儔者乃大槩約略之
詞傅藻年譜云至和二年乙未先生年二十
遊成都謁張安道有晁美叔者求友於先生
與本詩公自注一段相戾特傳會起句而失
之耳今駁正

王文玉挽詞

才名誰似廣文寒月斧雲斤琢肺肝玄晏一生多卧病

子雲三世不遷官幽蘭空覺香風在宿草何曾淚葉乾

猶喜諸郎有曹植

一作志

文章還復富波瀾

王文王

爵里未詳

廣文寒

杜甫贈鄭廣文詩才名三十年坐客寒無羶

山光寺送客回和芝上人韻

關裏清遊借隙光醉時真境發天藏夢回拾得吹來句

十里南風草木香

山光寺

程沙隨古易占云隋煬帝來江都筮易遇離之賁乃以離宮為寺名曰山火取卦象也後

改曰山光在揚州北十五里地名灣頭盛儀維揚志山光寺隋大業中建芝上人名曇秀

慎按本集雜記一條云予在廣陵與晁无咎
墨秀道人同舟送客山光寺客去予醉卧舟
中秀作詩云云予和之昔予對歐陽公誦文
與可詩云美人却扇坐羞落庭下花公曰此
非與可詩世間原有此句與可拾得耳又按
此詩施氏原本不載今從全集采出據外集
題云揚州同晁无咎芝上人遊山光寺和芝
韻故移編於此

附曇秀原作

扁舟乘興到山光古寺臨池勝氣藏
慚愧南風知我意吹將草木作天香

送芝上人遊廬山

二年閱三州我老不自惜團團如磨牛
步步踏陳迹豈知世外人長與魚鳥逸
老芝如雲月炯炯時一出比年三見之
常苦一作若有所適逝將走廬阜計潤道逾密
吾生如寄耳出處誰能必江南千萬峰何處訪子室

送程德林赴真州

君為縣令元豐中吏貪功利以病農君欲言之路無從

移書諫臣以自通

公自注諫臣塞受之也

元豐天子為改容我時

匹馬江西東問之逆旅言頗同老人愛君如劉寵小兒

敬君如魯恭爾來明目達四聰收拾駟駿冀北空君為

赤令有古風政聲直入明光宮天厩如海養羣龍并收

其子豈不公

公自注君之子祁舉制策文學行義為人所稱

白沙何必煩此翁

程德林

名筠與先生同年見本集二十三卷中

真州

元豐九域志淮南東路真州軍事乾

德二年以揚州永真縣迎鑒鎮為建安軍祥符六年升為州治揚子縣

赤令

赤縣令也

古別離送蘇伯固

外集作送蘇伯固效韋蘇州

三度別君來此別真遲暮白盡老髭須明日淮南去酒

罷月隨人淚濕花如霧後夜逐君還夢繞湖邊

一作路江南

慎按此詩施氏原本不載今從新刻續補上

卷移編於此

谷林堂

深谷下窈窕高林合扶疎美哉新堂成及此秋風初我

來適過雨物至如娛予穉竹真可人霜節已專車老槐
苦無賴風花欲填渠山鴉爭呼號谿蟬獨清虛寄懷勞
生外得句幽夢餘古今正自同歲月何必書

谷林堂

名勝志谷林堂在蜀岡大明寺內。慎按石林避暑錄云歐陽公在揚州作平山堂壯麗

為淮南第一據蜀岡左右老木參天後有竹千竿大如椽不見日色子瞻詩所云稚竹真可人霜節已專車者
是也填渠漢書華容夫人歌曰髮紛紛兮寘渠注云寘徒干反按與填同。碧溪詩話東坡谷林堂云古今正自同歲月何必書他日游香積寺又云幽尋恐不繼書版記歲月自知者觀之則為游戲
篇章得大自在俗士拘泥疑前後不相應也

附孫覲作

蘭陵先生集題
云揚州谷林堂

楚山多異材翠竹滿崖谷蕭蕭斤斧餘斬伐同一
束蕪城帶流水萬畝淇園綠遺葩駁雲錦老節抱
金玉歲晚虎穴鄰舐掌方擇肉此君無恙否應坐
白眼俗

雲師無著自金陵來見予廣陵且遺予支遁鷹馬
圖將歸以詩送之且還其畫

道人自嫌三世將棄家十年今始壯玉骨猶寒富貴餘

漆腫已照人天上去年相見古長干
衆中矯矯如翔鸞
今年過我江西寺病瘦已作霜松寒
朱顏不辨供歲月
風中蒿火湯中雪好問君家黃面翁
乞得摩尼照生滅
莫學王郎與支遁臂鷹走馬憐神駿
還君畫圖君自收
不如木人騎土牛

慎按此詩施氏原本不載新刻載續補上卷
題目止贈僧二字今据外集采錄編入揚州
卷中

予少年頗知種松手植數萬株皆中梁柱矣都梁
山中見杜輿秀才求學其法戲贈二首

露宿泥行草棘中十年春雨養髯龍如今尺五城南杜
欲問東坡學種松

都梁山

太平寰宇記都梁山在泗州盱眙縣南
十六里都梁香草茲山所產故得名

杜輿

字子師盱眙人晁无咎
雞肋集有杜子師字序

種松法

本集雜記種松法十
月以後冬至以前松

結寔熟而未落折取并萼收竹器中至春初取寔入
荒茅中得雨自生松性至堅悍始生至脆弱畏日與
牛羊故須荒茅地以茅陰障日須護以棘五
年後乃可洗下枝七年後乃可去其細密者

君方掃雪收松子我已開榛得茯苓為問何如插楊柳
明年飛絮作浮萍

茯苓

史記龜策傳茯苓者千歲松根也抱朴子老松餘氣化為茯苓

慎按晁无咎和詩凡三首先生原作疑闕其

一

附晁无咎和韻三首

難肋集題云東坡公以種松法授都梁杜子師并為作詩

子師求

余同賦

不學栽橙業種松未慙履綈笑屠龍許君盡得東

坡術已與先生一事同

長錐散子巖巖徧短竹扶條歲歲添待得意茶有
松葉不應更課木奴嫌

佩牛未敢邀君出射虎何當許我從要看堂堂冠
珮處蒼然十萬甲夫中

行宿泗間見徐州張天驥次舊韻

二年三躡過淮舟款段還逢馬少游無事不妨長好飲

著書自要見

一作且

窮愁孤松早偃原非病倦鳥雖還豈

是休更欲河邊幾來往祇今霜雪已蒙頭

宿泗間

九域志淮南東路宿州保靜軍節度治符離縣東界至泗州一百九十九里泗州臨淮軍

事治盱眙縣

張天驥

注見前

次韻劉景文贈傅義秀才

幼眇文章宜和寡崢嶸肝肺亦交難未能飛瓦彈清角
肯便投泥戲潑寒忽見秋風吹洛水遙知霜葉滿長安
詩成送與劉夫子莫遣孫郎帳下看

傅義

一本作職未詳

幼眇

漢書元帝紀贊元帝多材藝善史書自度曲被歌聲分判節度窮極

幼眇顏師古曰
幼眇讀曰要妙

在彭城日與定國為九日黃樓之會今復以是日
相遇於宋凡十五年憂樂出處有不可勝言者而
定國學道有得百念灰冷而顏益壯顧予衰病心
形俱瘁感之作詩

菊蕊萸囊自古傳長房寧復是癯仙應從漢武橫汾日
數到劉公戲馬年對玉山人今老矣見恒河性故依然
王郎九日詩千首今賦黃樓第二篇

公自注徐州太守
廳事俗謂之霸王

廳相戒不敢坐
僕折以蓋黃樓

見恒河性

楞嚴經佛言汝今自傷髮白面皺其面必定皺于童年則汝今時觀此恒河與昔童時

觀河之見
有童髦否

九日次定國韻

朝菌無晦朔螻蛄疑春秋南柯已一世我眠未轉頭
仙人視吾曹何異蜂蟻稠不知蜜觸氏自有兩國憂
我觀去來今未始一念留奔馳竟何得而起無窮羞
王郎誤涉世屢獻久不酬黃金散行樂清詩出窮愁
俛仰四十

年始知此生浮軒裳陳道路往往兒童收封侯起大第
或是君家驕似聞負販人中有第一流炯然徑寸珠藏
此百結衷意行無車馬倏忽略九州邂逅獨見之天與
非人謀笑我方醉夢衣冠戲沐猴力盡病騏驎伎窮老
伶優北山一作方有雲根寸田自可耰會當無何鄉同作
逍遙遊歸來城郭是空有壘壘丘

蘇詩補註卷三十五